

XUMATARI

Que Mütivarunü'airi Papuru

Vaürisica

¹ Ne Papuru nenixevaüritüaca Cürisitu Quesusisie mieme nemüti'uximayatame, nemuta'inierie nü'ari nemayanicü, nemupasie Cacaüyari niuquieya 'aixüa manuyüne nemücxatanicü.

² Meripai Cacaüyari nainecaitüni temeix-eyianquecaicü mücü niuqui, texaxatametemama yametecuxatacacu 'utüaricacü hesüana mümiemecü,

³ yunive xatatü. Tevi hütütütü, nu'aya caniutinuiva Ravirisie müyetüa.

⁴ Müquite vasata manucuquecü, türücariyacü caniucayerieni Cacaüyari Nu'ayatütü, 'Iyari Ca- caüyarisie mieme mütasipata que müticaye. Quesusi Cürisitu nixatacaitüni mütati'aitüvame.

⁵ Mücücü 'aixüa tepü'itüarie 'iya 'aixüa tiuca'iyaricacu, tepeutanü'ariexüata para yunaitü nuivarite yuri mete'erietü yamemütecahunicü, que mü'ane mühüsiesie mieme meyüatü.

⁶ Xemeta nuivarite xecanihümetüni xemuta'inieri Quesusi Cürisitu teüterimama xemacünecü.

⁷ Netinixe'uta'utüirieni yunaime Xumasie xemütama Cacaüyari müxenaqui'erie, xemuta'inierie hesiena mieme xemüpasiencü. Cacaüyari müta'uquiyari, Ti'aitame Quesusi Cürisituta, xüca 'aixüa mete'u'iyarini xehesie

mieme, xüca mexepitüaca yu'iyarisie
xemüca'uximatüariecacü.

Papuru que müti'ivatamücücia Xumasie

8 Mericüsü Quesusi Cürisitu nesipareviecacu pamüparyisi necanipitüaca necacaüyüri meri yunaime xehesie mieme, naisarie cuiepa mücuxaxasivacü yuri que xemüte'erie.

9 Ne'iyaricü Cacaüyarisie mieme nepüti'uximayata, niuqui nu'aya hepaüsita 'aixüa manuyüne necuxatatü. 'Iya Cacaüyari müpaü pütihecüata, que nemütixexata necatihayevatü quepaucua nemünenenievie neheyemecü

10 ne'ivavirietü 'uxa'a varie sipara xüca 'ari 'aixüa nepitüarieni xehesüa nemüyemicü, müpaü tinaquecacu Cacaüyari.

11 Nepütinecahive'eri nemüxexeiyacü, 'Iyarisie mieme nemüxminicü xemüticariegacü,

12 neta yacütütü xehesüa temüvaüriyarienicü yuri xemüte'eriecü xeme, neta yuri nemüti'eriecü.

13 Ne'ivama müpaü pücanetinaqueniqueyu xüca 'asixecatemaicaque müixa que nemütinecuha'aritüvacai xehesüa nemüyemicü, sepa nemücapitüariecai hicüque. 'Icuaxi nehexeyatü nepayaniqueyu xehesüa, hipame nuivarite vahesüa nemeixeiyapaü.

14 Neuyeveca nemütivataxatüani Cüriyecusixi memücacüriyecusixita, temainvavemetememücatemavaveta.

15 'Ayumieme ne'iyari yapü'ane nemütixetaxatüanicü niuqui 'aixüa manuyüne xemeta Xuma xemütama.

Niuqui 'aixüa manuyüne que mütitürücäüye

16 Nepüca'iteviya niuqui 'aixüa manuyüne. Türkariya canihütüni Cacaüyarisüa mieme, yunaitü yuri memüte'erie memütavicueisitüarienicü cani'ayumiemetüni, Huriyusixi meri, Cüriyecusixita.

17 Xüca yuri ti'erieca, mücü niuquisie canimasiüçücamüçü Cacaüyari heiserie que mütiyupitüva, para yuri müti'eriecacü, que müre'uxa, Que mü'ane heiseriemecü yamüticamie, mücü canayeyuricamüçü yuri müti'eriecü.

Teüteri vahesie que mürähüiva

18 Masi haxüa canimasiücünü, Cacaüyari taheima macave que mütiheca naime teüteri que memüteyurie mecaheyexeiyatü heiseriemecü yamecatecahutü, müme meminena tita yuri müraine heiseriemecü yamecatecahutü.

19 Tita mütiyüve mütimaica Cacaüyari hepaüsita, mücü canimasiücünü vahesüa. Cacaüyaritütü yatinivaruxeisitüani.

20 Cuie munetüariepai hicüque, tita mücatixeiyarieve hepaüsitanan, yuheyemecü que mütitürücaüye que müticacaüyari, mücü catinihecüaca yara'erivacacu tita mütiutivevi hepaüsita. 'Ayumieme 'asimepüçayüvave yuhesie mieme memütiniunicü.

21 Cacaüyari mehetimaica, 'aixüa mepüca'utiyuanecai hepaüsitanan Cacaüyari hepaüsita temutiyuanepaü. Pamüparyusi mepüca'ipitüacai. Masi yacü metecuxatatü menacüne mexi niuqui mexüatüacai. Va'iyari 'asicatimaivecacu, niucuyüre va'iyarisie.

22 Temaivavemete meyxatatu 'asimecatemaivavetü menacüne.

23 Cacaüyari mücapünive visi mü'ane, menipata tevi müpünivepaü tiyuxexeiyame memayexeiyanicü püta, viquixi vahepaü yeutari vahepaü cuterixi vahepaü tiyuxexeiyame.

24 'Ayumieme Cacaüyari nivayetuani yu'iyarisie mete'ucahive'eriecacu, para meca'itiyatü memacüneçü, memiseviximanicü yuvaiyari yusata.

25 Cacaüyari yuri que maine, müme menipata 'itarica memexeiyanicü püta. Tita mütiveviya mepayexeiyacai, hesiena mieme mepüte'uximayatacrai, mecaheyexeiyatü que mü'ane mitivevi. 'Aixüa yemecü queticühüavarüvani 'iya yuheyemecüsü, müpaü xeicüa pü'ane.

26 'Ayumieme Cacaüyari nivayetuani memihive'eriecacü tita 'axa müti'anene. Va'ucariri me'icu'eirieca tita 'ucari memüteyuruva, 'ucapaü mecateyurietü mepacü.

27 'Uquisita yaxeicüa, me'icu'eirieca tita 'ucari memüteyuruva, mepüyutaiyacai meyuhive'erietü. 'Uquisi 'uquisi vahamatü yamepüteyuriecai que mücatinaque. Que müreuyevetü yamemüteheuyexürüvecaicü, mepüte'epiniriecai yuvaiyarisie.

28 Müpaü memücatecu'erivacaicü quename 'aixüa 'ane me'erivanicü Cacaüyari, 'ayumieme Cacaüyari nivayetuani que mücatinaque yamemütecu'erivanicü, que mücatinaque memüteyuriecacü.

29 Mecanaye'axüani que mücatiheiserie meyüatü, mevacumaüvatü que mü'ane mücayü'üya mücayücüna, 'axa metecuyuruvatü,

naime metehive'erietü, 'axa me'anenetü. Menihüpünecaitüni me'ütesatü meyucuitü meha'atü meteyu'irüviyatü 'axa metecu'erivatü.

³⁰ Mecani'avieniucani, mechaniniuquixieca, Cacaüyari mecani'uxieca, mecatenitave'erieca naime, menanuyehaitürüveni, meteniyucatave'erieca, metenicuvautüveni 'axa que mütiyuruva, yu'uquiyarima mepücava'enie.

³¹ Yu'iyari mepüca'enie vatacet'acacu, yamepücatecahu que memutiyuane, mepüsese'i, mepücayunütüanüa, mepücateyucanenimaya.

³² Müme mepütehetima tita Cacaüyari mütixata tiheiserietüme, quename yunaitü müya memüteyurie vahesie tinaque memücuinicü 'utaitü. Müme masi müya mecateniyurieca, masicutari meninaqui'aca hipatü yamemüteyuriecü.

2

Cacaüyari heiseriemecü que mütivaranaxürüva

¹ 'Ayumieme 'ecü sepa que pemüpaicü pemüniuquixie, 'ahesie mieme pepücataniuni. Xeime que pemütiniuquima, mücükü pepü'aniuquima. Cari yaxeicüa petiniyurieneni 'ecü müpaü que pemütiniuquixie.

² Tame müpaü tepütemate, Cacaüyari yuri haitü mütivaranaxürüvacü müme müya memüteyurie.

³ Camüsü 'ecü pemüvaniuquima müme müya memüteyuruva, vahhepaü petiyurienetü queri peticu'eriva 'ecü pepütavicieni quepaucua Cacaüyari masi'anutahüani.

⁴ Mesü cauca pe'ixani'eri cuini mieme 'aixüa que mütiuca'iyari que mütita'icueva que

mücatiyumexütüa. Cauca 'asipecatimate Cacaüyüari 'aixüa mütiuca'iyaricü para pemütihayevanicü que pemütiyuriene.

⁵ 'Ecüsü 'a'iyari müse'icü pemüca'avaüriyacü pemütihayevanicü que pemütiyuriene, 'ahesie mieme pepüti'utane haxüa, 'iya tucarisieque quepaucua pemühecareni, quepaucua masiçütü mayani heiseriemecü que mütivarutan taxürüva Cacaüyüari.

⁶ Mücü que memüteyurie pütivapitüani yuxexuime.

⁷ Müme mete'uca'enivatü 'aixüa meteyuruvatü memütecvautüve visi me'anenetü que memüte'acüne, 'aye'amete que memütehe'erivani, que memütacatipüne, müme nivapitüamüçü yuheyemecü memayeyuyurinicü.

⁸ Mümesü yuhesie mieme xeicüa memü'ayumiemete, yamemücatecahu titä yuri mürainesie, yamemütecahu titä mücatiheiseriesie püta, müme haxüa canivapitüamüçü vahecatü.

⁹ Nivahiveritüamüçü niva'uximatüamüçü yunaime teüteri yu'iyarisie 'axa memüteyuruva, Huriyusixi meri, Cüriyecusixita.

¹⁰ Nivapitüamüçü visi me'anenetü memacünecü, 'aye'amete memü'erivanicü, yu'iyarisie memüca'uximatüariecacü tivapitüani yunaime 'aixüa memüteyuruva, Huriyusixi meri, Cüriyecusixita.

¹¹ Cacaüyüari yükü pücativaxeiya teüteri.

¹² Queyupaümetü 'inüari niuquiyari mecahexeyatü 'axa memüteyurie, müme mepücuini 'inüari mecahexeyatü. Queyupaümetü 'inüari niuquiyari mehexeyatü 'axa memüteyurie, müme 'inüari

manuyünepaü mepanutaxüriyani.

¹³ Müme memi'enie xeicüa 'inüari niuquiyari, müme heiserie mepücahexeiya Cacaüyari hüxie. Müme yamemütecahu 'inüari niuquiyari que maine, müme püta heiserie mecanipitüariecuni.

¹⁴ Müme memücahuriyusixi 'inüari niuquiyari memücahexeiya, quepaucua yükümana yamemüteyurie que maine 'inüari niuquiyari, sepa 'inüari niuquiyari memücahexeiya, 'inüari niuquiyari mehexeyiatü mepacüne yükümana.

¹⁵ Mümeri mepüyuhecüata tita 'inüari niuquiyaricü yamütiyuriene metehexeyiatü yu'iyarisie müraye'uxa. Va'iyari que memüteyumate tinihecüatani vahepaüsita. Yuhamatü metecuxatatü, que memüteyu'iyaritüa yuhesie metenahüpani, yuhesie mieme meniutiniucani nusu.

¹⁶ Müpaü catiniyümüçü 'iya tucarisie quepaucua Cacaüyari müvata'ivaviyani teüteri tita memüte'uti'avietaxü hepäüsita Cürisitu Quesusi varahüavecacu, neniuqui 'aixüa manuyüne que maine.

Huriyusixi 'inüari niuquiyari que memütehhexeiya

¹⁷ Mericüte 'ecü Huriyu pemütiutaterüvarie, yuri pemüti'erie 'inüari niuquiyarisie, 'aixüa pemüti'acühüave Cacaüyarisie pemütiviyyacü,

¹⁸ pemimate tita mütinaque, pemütimaive tita 'aixüa müti'ane pemütiuta'üquitüariecü 'inüari niuquiyarisie miemecü,

¹⁹ pevaranucuhapame memacücüpe pemü'a'eri, hecüarivivame pemü'a'erie yüvipa memu'uva vase-sie mieme,

20 ti'üquitame pemü'a'erie 'asimemücatemate vahesie mieme, türi tiva'üquitüvame pemü'a'erie, 'inüari niuquiyari pehexeiyatü pemeixeiya titatimaiveme mütimate titä yuri müraine 'uxeicüa,

21 camüsü 'ecü xeime pemüti'üquitüa, pecati'a'üquitüa 'ecü. 'Ecü müpaü pepüticuxata quename 'aixüa ca'ane xüca tinavayani. Mericüte, petinavaya 'ecü.

22 'Ecü müpaü pepüticuxata quename 'aixüa ca'ane micumaüvanicü xeime 'üyaya xeime cünaya. Mericüte, peticumaüva 'ecü. 'Ecü müpaü pepaine quename pevaxani'erie tetexi cacaüyarixiyari. Mericüte, petinava vapini vamavari.

23 'Ecü 'aixüa pepüti'acühüave 'inüari niuquiyari pemexeiyacü. Mericüte, pe'itisanatü 'inüari niuquiyari müpaü metecu'erivame petivarayeitüa quename Cacaüyari 'asicayüve.

24 Camüsü, que mü're'uxa, que mü'ane Cacaüyari mühüçü 'axa canixasivani nuivarite vasata xecümana.

25 Xitequiya 'inüariyari camaniparevieca xüca 'inüari niuquiyarisie yapeticamieni. Masi xüca 'inüari niuquiyari petisanatü peyüaneni, sepa xitequiya 'inüariyari pemexeiya, peca'inüasietü pepa'ayeitüa.

26 Masisü xüca que mü'ane 'iya 'inüari mücahexeiya yaticamieni que mütiheiserie 'inüari niuquiyari que maine, 'inüari sepa mücahexeiya, 'inüasiecame cati'erivani 'iya.

27 Que mü'ane yuvaiyarisie müca'inüasie xitequiyyacü, peru meye'atüva 'inüari niuquiyari que maine, mücü 'ahesie pürähüpani 'inüari niuquiyari pemütisanacü, sepa 'utüaricayari pemexeiya sepa

'inüariyari pemexeiya.

²⁸ Que mü'ane herie xeicüa Huriyu teviyari mühücü, mücü Huriyu pücahücü. Que mü'ane herie xeicüa yuvaiyarisie xeicüa mü'inüasie xitequiyacü, mücü püca'inüasie.

²⁹ Masi que mü'ane yutaüta mühuriyu, mücü püta Huriyu canihütüni. Que mü'ane yu'iyarisie mü'inüasie, mücü 'Iyari mainepaü püta pü'inüasie, sepa müca'inüasie 'utüarica müti'eniüriücpaü. Que mü'ane müpaü mü'ane, teüteri visi mepuca'utiyuaneni hepaüsítana, Cacaüyari püta visi paineni hepaüsítana.

3

Tita rexeyia Huriya hipatü memücaheixeiya

¹ Mericüte tita rexeyia Huriyu hipatü memücaheixeiya. Que tiparevie xitequiyar 'inüariyari.

² Vaücavamecü piparevie, naimecü. Camüsü meri, Huriyusixi niuqui Cacaüyarisüa mümieme hepaüsita mepuhüritüari.

³ Quete 'aneni xüca hipatü yamecatecahu-caitüni. Cacaüyari yacaticamietü que rayeitüarieni müme yamemücatecahucaicü.

⁴ Pücatixaüsietü. Masi Cacaüyari tita yuri mürainesie yaqueticamieni, sepa yunaitü teüteri memüte'itava, que müre'uxa,

Para 'aniuquicü pemümasiücünicü heiserie que pemürexeyi,

Para heiserie pemüpütarienicü quepaucua pemütaxanesieni.

5 Mericüsü tame heiseriemecü yatecatec ahucacu xüca masiütctü 'ayani Cacaüyari heiseriemecü que müticamie, que te'utiyuanenisüari tame. Cacaüyari tiyüane que mücatiheiserie haxüacü rapitü. Tevipaü nepüticuxata.

6 Pücatixaüsietü. Xüca müpaü 'anenique, Cacaüyari quepaü tivata'ivaviyaqueyu cuiepa memütama 'isücamepaü.

7 Perusü neti'itavacacu ne xüca masiütüni Cacaüyari que müticamie titä yuri mürainesie, masi yeme visi 'anetü mayanicü Cacaüyari, titayari neranutahüyani ne 'axa tiyuruvamepaü.

8 Müpaü cati'aneniqueyu masi, 'axa temütecühüavarüvapaü, hipatü memutiyuanepaü quename müpaü tehaitüca tame, Cümü 'axa tepüteyurieni 'aixüa 'anetü mayanicü te'utiyuatü vaniu. Heiseriemecü mecanixani'erivani müme müpaü memutiyuane.

Pumave que mü'ané heiseriemecü yamüticamie

9 Mericü titanetü. Tame masi 'aixüa tete'anene. Tixaü yemecü. Teteniutahecüata Huriyusixi Cüriyecusixita yunaitü titä 'axa müti'anesie que memüteviya,

10 que müre'uxa,
Que mü'ané heiseriemecü yamüticamie
'apüca'uyeica ni xevitü.

11 Que mü'ané mütimaiive 'apüca'uyeica,
Que mü'ané micuvaune Cacaüyari 'apüca'uyeica.

12 Yunaitü mepeuyexüri, 'axa me'anenetü mepacü
'axeicüa.
Que mü'ané 'aixüa ti'aneme mütiyuriene
'apüca'uyeica,
Xevitü tüma pumave.

13 Tivaxürüvame müqui terüya canihütüni reutenitü.

Mepüte'irüma yunenicü.

Xaye 'uhayeya vateta payeca.

14 Vateta pühüne 'axa 'anuyütü hasivitü.

15 Yü'ücatecü mepüyumexütüa xuriya memütayerienicü.

16 Yuhuyeta mepüte'uca'una mepüteyhiveritüa.

17 Huye haque mücatiyu'uximatüa mepücahemaririe.

18 Mepücateheiyehüvirie Cacaüyari yuhesüa.

19 Hicü tame müpaü tepütemate, naime 'inüari niuquiyari que maine, pütivarutaxatüa müme 'inüari niuquiyarisie memüteviya, yunaime vateni müranunamacü, Cacaüyari müvataxanetacü yunaime cuiepa memütama.

20 Cacaüyari hüxie 'inüari niuquiyari que maine yamütiuyuricü, mücücü ni xevitü tevi heiserie pücapitüarieni. Masi 'inüari niuquiyaricü püttimate tita 'axa müti'ane.

Heiserie que mütipitüariva yuri müti'eriecü

21 Hicüri masi, masiçütü canayani Cacaüyari heiserie que mütiyupitüva, sepa 'inüari niuquiyari mumavenique. 'Inüari niuquiyari, texaxatamete vaxapayarita yacatinihetcüatani.

22 Cacaüyari heiserie que mütiyupitüva yuri ti'eriecacu Quesusi Cürisitusie, mücü nimasiçüni, heiserie que mütivapitüa yunaime yuri memüte'erie. Yüçü mepüca'anene.

23 'Axa mepüte'uyuri yunaitü, yunaitü mepüca'aye'axüavave Cacaüyari visi mütivaxeiyacü,

24 heiserie mepupitüarie 'asimecatecue-tatüarietü 'aixüa mütiuca'iyaricü 'iya, Cürisitu Quesusi müvatixünacü.

25 Cacaüyari nicayeni 'iya 'aixüa miyurienicü yuxuriyacü temüteheuyehüviyarienicü xüca yuri tete'erieca. Müpaü tiuyurieca masiücümə nayeitüani heiserie que mürexeiya, sepa mücativacühüavecai tita meripai 'axa memüte'uyuri hepaüsita, Cacaüyari mücayumexütüacaicü 'ana.

26 Nicayeni masiücümə mayeitüanicü hicü, heiserie que mürexeiya. 'Ayumieme mücü heiserie canexeiyani, heiserie canipitüanita que mü'anə amuyeica yuri ti'erietü Qesusisie.

27 Hicüri quepaü 'aixüa tiyucühüaveni yuhepaüsita. Havaicü püçayüve. Mericüte que mü'anə 'inüariyari mücü catiyüve. Tita mütiyuriene, mücü ti'inüariyari va'atü. Tixaüsietü. Yuri que müti'erie, mücü cani'inüariyari püta.

28 Tame 'ipaü tetenitamaica, teüteri heiserie mecaniuptüarieni yuri memüte'eriecü, sepa yamemücate'uyurienique 'inüari niuquiyari que maine.

29 Mesü Cacaüyari Huriyusixi xeicüa tivaca-caüyari. Memücahuriyusixita cativacacaüyari. Hü, memücahuriyusixi canivacacaüyari tünü.

30 Mericüte, Cacaüyari caniyuxevini. Heiserie nivapitüamücü müme xitequiya 'inüariyari memexeiya, müme yuri memüte'eriecü. Heiserie nivapitüamücüta müme xitequiyacü memüca'inüasie, müme yuri memüte'eriecü.

31 'Ayumieme nepaine, xüanacüa tetekiyeitüa 'inüari niuquiyari xüca yuri tete'erieca. Tixaüsietü. Tepiseiriya püta 'inüari niuquiyari.

4

'Apurahami que mütiuyuri

¹ Mericüte que te'utiyuaneni tita 'Apurahami mütiucaxeı hepäüsita. Mücü yateva canita'uquiyaritüni hesiena temüyecü.

² Ipaü teputiyuane, xüca 'Apurahami heiserie 'upitüarienique tixaütü mütiuyuricü, caniyüveniqueyu 'aixüa mütiyüçühüaveni yuhepaüsita. Masi Cacaüyüri hüxie püçayüve.

³ Que haine 'utüarica xapayari. 'Apurahami yuri tinita'eririeni Cacaüyüri, 'ayumieme Cacaüyüri heiserie hexeiyame nimaicaitüni 'iya, paine.

⁴ Que mü'ane tixaü mütiyuriene, tita müti'iva 'imiquieri püca'eriva. Peuyevese masi menu'ünicü.

⁵ Que mü'ane püta 'asicatiyurienetü yuri müti'eri 'iyasie, müme memücaheyexeiya Cacaüyüri que mü'ane heiserie müvapitüasie, mücü heiserie hexeiyatü canimarivani yuri müti'eriecü.

⁶ Ravirita müpaü canaineni tevi que mütiyutemavie, quepaucua Cacaüyüri heiserie hexeiyame mimate, sepa tixaü mücatiuyurienique,

⁷ Mecaniyutemamavieca quepaucua memüteheuyehüviyarieni 'Inüari que memüte'utisanaxü, Quepaucua tita 'axa memüte'uyuri müranucanamieni.

⁸ Caniyutemavieca mücü tevi, Ti'aitame xüca 'axa tiyurieneme ca'erieca.

⁹ Mericüte 'ipaü meteyutemamavie müme xitequiya 'inüariyari memexeiya xeicüa. Müme memüca'inüasieta, müpaü mecateyutemamavie. Müpaü teputiyuane, 'Apurahami yuri

müti'eriecaicü, 'ayumieme heiserie hexeiyatü canimarivacaitüni.

¹⁰ Que 'anetü müpaü ti'erivacai. Xitequiya 'inüariyari rexeyiyacai 'ana, pücaheixeiyacai nusu. Xitequiya 'inüariyari pücahexeiyacai, masi püca'inüasievacai.

¹¹ Xitequiya niutanaqui'erienvi 'inüaritüme. Caniuseyumarieni heiserie mupitüariecü yuri tiuta'erieca mexi xitequiya 'inüariyari cahexeiyacai. 'Ayumieme yunaitü yuri memüte'erie xitequiya 'inüariyari mecahexeiyatü, müme va'uquiyari nayani, müme heiserie mehexeiyatü memümarivanicü.

¹² Mümeta xitequiya 'inüariyari memexeiya va'uquiyari nayani, müme xitequiya 'inüariyari xeicüa memexeiya pücatixaü, masi müme yamemütecahuta ta'uquiyari 'Apurahami huyetana yuri que müti'eriecavai xitequiya 'inüariyari cahexeiyatü.

Yuri ti'eriecacu hesiena que mütiunaquixü tita mütiutaxasie

¹³ Quepaucua 'Apurahami müpaü mütiutahüavarie, nivemamata, quename hesiena tinaquequecavai naitü cuie, 'inüari niuquiyari hexeiyatü müpaü pücatiutahüavarie. Heiserie 'upitüarieca püta yuri mütiuta'ericü, müpaü pütiutahüavarie.

¹⁴ Xücarı müme 'inüari niuquiyarisie memüteviya vahesie tinaquenique, xüanacüa xeicüa yuri tepüte'eriecaqueyu, yacü xeicüa müpaü pütiutahüavarieniqueyu 'iya.

¹⁵ 'Inüari niuquiyari haxüa pütiyupitüva. 'Inüari niuquiyari caxuavecacu, püca'itisana.

16 'Ayumieme yuri ti'eriecacu müpaü cani'aneni, para müpaü mütiyünicü 'iya 'aixüa tiuca'iyaricacu, titä mütitaxatüa müseiriyanicü yunaime nive-mama vahesie mieme, müme 'inüari niuquiyarisie memüteviya vahesie mieme xeicüa pücatixaü, masita müme 'Apurahamipaü yuri memüte'erie vahe-sie mieme. Mücü tanaime canita'uquiyaritüni,

17 que müre'uxa, Ne yumüireme nuivarite va'uquiyari nepümasi'ayeitüa. Cacaüyari hüxie yuri pütiuta'eri hesiena, que mü'ane müquite müvaranutanieritüva, que mü'ane mütitahüave titä 'emücatiuve mütinenicü, mücü hesie.

18 Mücü que mücatiyüvecái yuri müti'eriecacü ta'icuevatü, ta'icuevatü yuri tini'eriecaitüni. 'Ayumieme yumüireme nuivarite va'uquiyari nayani, müpaü que mütiutahüavarie, Müya meyupaümetü mecanacünunicuni 'anivema.

19 Püca'utaveranaxü yuri ti'erietü, sepa me'erivacai yuvaiyari que mütimüximecái 'esivatücacu xei sienituyari viyari mexeiyacaicü, sepa me'erivacai Sara mücayüvecái mütinivenicü.

20 Pücayuxamuriecai yükü ticu'erivatü titä Cacaüyari mütitaxatüa hesiena mütinaquequecaicü, mücü hepäüsita, yuri cati'erietü pücahatüa. Masi yuri que müti'eriecái pütürüçariyariecái, visi 'ixatatü Cacaüyari.

21 Müpaü pütiyumaicai, titä mütitahüavixü 'iya quename yatiyurieniquecái, müpaüta niyüvecaitüni yamütiyurienicü.

22 'Ayumiemicü heiserie pitüariecame ni'erivacaitüni, yuri müti'eriecaicü.

23 Que müti'erievacai 'iya, hesiena mieme xeicüa pücaraca'utüarie,

24 masi tahesie miemeta müpaü pütiu'utüarie. Müpaüta tepüte'erivani tame yuri tete'erietü 'iyasie que mü'ane müquite vasata menucuquetüa Tati'aitüvame Quesusi, mücü hesie.

25 Mücü püyetuiya ta'aurie temaxüricü, panucu-quetüarie heiserie temüpütarienicü.

5

Tita temütexxeiya heiserie temüpütariecü

1 Mericüte heiserie temüpütariecü yuri tete'erietü, 'ayumieme 'aixüa tecatenitaxeiyani Cacaüyaramatü, Tati'aitüvame Quesusi Cürisitu yatatipitüacacu.

2 Mücü yatatipitüacacuta, yuri tete'erietü müpaü teni'itüarieca, Cacaüyari 'aixüa tiniuca'iyarini tahesie mieme. 'Ateputi'u 'iya 'aixüa tiuca'iyaricacu. 'Aixüa tepütetacühüave yuri temüte'eriecü teta'icuevatü Cacaüyari visi mütataxieyanicü.

3 Mücü meta, 'aixüa tepütetacühüave temü'uximatüariecü müpaü tetemaitü, xüca te'uximatüarieca, tete'uca'enivatü tepacüne.

4 Xüca tete'uca'enivani, te'inüasietü tepacüne. Xüca te'inüasieca, teyüvavetü tepacüne yuri temüte'eriecacü teta'icuevatü.

5 Müpaü teteta'icuevatü xüca yuri tete'erieca, tepücateviyasitüarieni, Cacaüyari ta'iyarisie mütihüniyacı tasinaqui'erietü, 'Iyari Mütiyupata temüpütarie yatiyurienecacu.

6 Cürisituri, quepaucua temuveraranicai cuxi tame, caniumüni tame Cacaüyari temüca'ayexeiya tahesie mieme, tucari 'aixüa mü'ane 'anuyeyacu.

7 Hicümüsü haveri mieme xeicüa xevitü pümüniqueyu tevi heiseriemecü yamüticamiesie mieme. Capücari yuvaüriyaniqueyu 'asita mumünicü tevi 'aixüa mütiuca'iyarisie mieme.

8 Masi Cacaüyari 'ipaü tiuyurieca masiücüme nayeitüani que mütatinaqu'erie, Cürisitu tahesie mieme mumükü tame 'axa teteyuriecacu cuxi.

9 Xuriyayacü heiserie temupitüariecü hicü, masi vaücava mücü pütasitavicueisitüani temücahecariecacü.

10 Te'eye'uniecacu Cacaüyari nu'aya mumükü, tepupasie 'aixüa temütetaxeiyanicü Cacaüyarimatü. 'Ayumieme 'aixüa tetetaxeiyatü, masi vaücava tepütavicueisitüarieni 'iya mayeyuricü.

11 Mücü meta, 'aixüa tepütetacühüave Cacaüyari teha'erivatü Tati'aitüvame Quesusi Cürisitu yamütiuyuricü. Mücü canihüctüni que mü'ane mütasi'upataxü 'aixüa temütetaxeiyanicü.

'Arani Cürisitupaü que mü'ane

12 Mericüsü tita 'axa müti'ane catiniuneni cuiepa tevi müyuxevicai 'axa mütiuyuricü. 'Axa mütiuyuricü caniumüni. Müpaürita 'ayumieme yunaitü teüteri me cui'itü menacüne, yunaitü 'axa memüte'uyuricü.

13 'Inüari niuquiyari caxuavecacu cuxi, cuiepa memütama 'axa mepüteyuriecai. Peru 'inüari niuquiyari caxuavecacu, tevisie pücarahüiva 'axa xüca tiuyurieni.

14 Masi 'Arani meri, 'arique yunaitü Muisexi 'amuyeicacaipai, yunaitü me'uyuitüarieca mepucui, sepa hepäüna 'axa memücate'uyuri, 'Arani ta'aurie mavepaü que mücatiheiseriecai.

Mücü 'Arani que mü'ane 'umamieniquecai cani'üquisicayaritüni.

¹⁵ Peru ta'aurie que mürave, müpaüta yaxeicüa tepücate'umiquie. Mücü müyuxevicai ta'aurie mavecü, hipatü mepucui, peru masi vaücava 'aixüa pütiuca'iyari Cacaüyari, masi vaücava mepüte'umiquie, xevitü tevi Quesusi Cürisitütü 'aixüa tiuca'iyaritü que mütimüriyaxü 'imiquieri hipame vahesie mieme.

¹⁶ Tita mütivarumi, mücü müpaü püca'ane que mütiyüü quepaucua mücü müyuxevicai 'axa mütiuyuri. Heiva 'axa mütiuyuricü, nanutahüiyani 'inüasietü. Masi que mütivarumi müixa ta'aurie me'axürie, heiserie mecaniupitüarieni püta.

¹⁷ Yuxevitü ta'aurie mavecü, yunaitü mepuyuitüarie memücui'inicü xeimecü. Masi vaücava müme memüyuväüriya memitanäqui'erienicü cuini mieme que mütiuca'iyari 'iya, que mütimüriyaxü yu'imiquieri heiserie vapitüatü, müme me'ayeyuyuritü mepüte'aitani tevi müyuxevi Quesusi Cürisitütü müpaü mütiuyuricü.

¹⁸ Hicüri 'ayumieme, xevitü ta'aurie mavecü que memüte'anutaxüriya yunaitü teüteri, müpaürita yaxeicüa yunaitü teüteri heiserie mecaniupitüarieni memayeyuyurinicü, xevitü heiseriemecü yamütiuyuricü.

¹⁹ Xevitü tevi yamücatamiciecaicü, hipame 'axa teyuruvamete que mütivarayeitüa, müpaürita yaxeicüa hipame heiserie mehexeiyame nivarayeitüamücü xevitüta yamüticamiecaicü.

²⁰ 'Inüari niuquiyariri punua masi yemecü mütitamüirecü ta'aurie que memüte'axürie.

Masisüari yemecü tiutamüriyacu tita 'axa memüte'uyuri, 'anata Cacaüyari masi cuini mieme cuxi 'aixüa pütiuca'iyaricai,

²¹ tita 'axa müti'ané que mütivacuyuitüvacai vacui'itü, müpaürita yaxeicüa Cacaüyari 'aixüa tiuca'iyaritü müvayuitüanicü heiserie vapitüatü, tucari mücaxüve vapitüatü, Tati'aitüvame Quesusi Cürisitu yativapitüacacu.

6

Que temüte'ucui 'axa temücateyuriecacü, que temüte'ayeyuyuri Cürisitusie teteviyatü

¹ Mericüte que te'utiyuaneniri. Capüca müpaü 'axa teteyurietü tetahayevani, 'iya masi cuini mieme 'aixüa mütiuca'iyarinicü.

² Pücatixaüsietü. Tameri temucui para 'axa temücateyuriecacü, queri tete'ayeyuyurini müpaü teteyurietü.

³ Capüca 'asixecatemate, tame quetapaümetü temuca'üyarie Cürisitu Qesusisisie temüteviyanicü, tame tecanica'üyarieni hepaüna temücuinicü.

⁴ 'Ayumieme hamatüana tepuateuquiexüa müpaü tete'uca'üyarieca temücuinicü, para yaxeicüa hepaüna temu'uvanicü te'utihecuariyarieme que temüteyurie te'ayeyuyuritü tameta, müpaüta Cürisitu manucuquepaü müquite vasata ta'uquiyari visi mü'ané enucuquetüaca.

⁵ Quepaucua hepaüna temucui hamatüana tecanitaxevire. 'Ayumieme masisüari hepaünata tenanucu'uicuni.

⁶ Ipaü tepütemate, que temü'anenecai matüaripai, tecaniucui'iva hamatüana curuxisisie, müca'unarienicü tita 'axa temüte'uyuri tavaiyarisisie,

tavari vaüriyarica temücate'uximayacacü tita 'axa müti'anesie mieme.

⁷ Que mü'ane mümüqui, mücü heiserie pexeiya 'axa mücatiyurienenicü.

⁸ Tame Cürisitumatü temucuicü, 'ayumieme yuri teteni'erieca hamatüana tepayeyuyurini.

⁹ Müpaü tepütemate, Cürisitu müquite vasata 'anucuqueca hutarieca pücamüni. Pücayüve mücuyuitüarienicü mumünicü.

¹⁰ Que mütiumü, tita 'axa müti'ane hepaüsita caniumüni xei mieme. Que mürayeyuri, Cacaüyarisie mieme canayeyurini.

¹¹ Xemeta yaxeicüa müquite xequeneyu'erieca 'axa xemücateyuriecacü, xe'ayeyuyurime püta xequeneyu'erieca Cacaüyarisie mieme, Tati'aitüvame Cürisitu Quesusisie xeteviyatü.

¹² 'Ayumieme xevaiyari mumüximesie xe'u'uvatü, xepücacuyuitüarieni 'axa xemüteyuriecacü yaxemütecahunicü que mütiucahive'erie xevaiyari.

¹³ Xepüca'iyetuaniri yuvaiyari para cümana 'axa xemüteyuriecacü heiseriemecü yaxecatecahutü. Masisü müme memanutanenierixü müquite vasata vahepaü xeyüatü, xequeneyuyetuaca Cacaüyari müxecuyuitüirienicü xevaiyari, heiseriemecü yatiyurienetü.

¹⁴ Xepücayüvaveni xemücuyuitüarienicü 'axa xemüteyuriecacü. Xepücayüa 'inüari niuquiyari mütixe'aitüacü. Que mü'ane 'aixüa mütiuca'iyari mütixe'aitüacü püta xecaniyüaca.

Que temüte'uximaya tita mütiheiseriesie mieme

15 Quesü 'aneni. 'Inüari niuquiyari mücatati'aitüacü, que mü'ane 'aixüa mütiuca'iyari püta mütatı'aitüacü, 'ayumieme 'axa teteyurieca. Pücatixaüsietü.

16 Capüca 'asixecatecate, que mü'anesüa xemüyuyetua xemüte'uximayacacü 'iyasie mieme yaxemütecahunicü que maine, vaüriyarica te'uximayatamete xepühüme que mü'anesie mieme yaxemütecahu que maine. Xüca tita 'axa müti'anesie mieme xete'uximayaca, xecanicuicuni. Me xüca xete'uximayaca yaxetecahutü Cacaüyari que maine, heiserie xehxeiyatü xecanacünicuni.

17 Pamüparyusi nepipitüa Cacaüyari, sepa tita 'axa müti'anesie mieme xemüte'uximayacai, yu'iyaricü yaxetecahutü xenacüne que xemüteyetuiriyarie yaxete'üquitüarietü.

18 Xe'utixünarieca 'axa xemücateyuriecacü, tita mütiheiseriesie mieme xete'uximayatü xenacüne.

19 Tevipaü nepüticuxata xemüberaranicü teüteri vahepaü xete'u'iyaritü. Xepüyuyetuacai xevaiyari müti'uximayacacü tita mücatı'ityasie mieme tita 'inüari mütisanasie mieme, 'inüari xemütisananicü. Hicürita yaxeicüa xequeneyuyetua xevaiyari müti'uximayacacü tita mütiheiseriesie mieme, 'iyasie mieme xemüpasienicü.

20 Quepaucua tita 'axa müti'anesie mieme xemüte'uximayacai, xepuxüxünicai tita mütiheiserie hepaüsita.

21 Que xete'utixuxuaverecai 'ana. Hicü xepüyuteteviya mücü hepaüsita. Que mü'ane müpaü mütiyuriene, mücü müquitü canayeimüçü.

22 Hicü püta xe'utixünarieca 'axa

xemücateyuriecacü, Cacaüyarisie mieme xete'uximayatü, 'ayumieme xeputixuxuavere xemüpasienicü 'iyasie mieme. Que mü'ane müpaü mütiyuriene, mücü tucari mücaxüve hexeiyatü canayeimüçü.

23 Camüsü, que mü'ane 'axa mütiuyuri, mücü müyacü 'apürapiniyarieni, masi Cacaüyari que mütatimicua, mücü tucari mücaxüve catanimicuacamüçü Tati'aitüvame Cürisitu Quesusisie teteviyacacu.

7

Memüneneüque vahesie que mütimasiüçü 'üquisica

1 Ne'ivamarixi, xeme xemütemate que mütitita 'inüari niuquiyari, nepütixetaxatüaniqueyu. Capüca 'asixecatemate, 'inüari niuquiyari püti'aitüa tevi mexi 'ayeyuri xeicüa.

2 'Inüari niuquiyari que maine, peuyevese 'uca mürecacüna yükünasie mütiviyanicü mexi 'ayeyuri 'iya. Xüca cünaya 'umüni, puxünixü, 'inüari niuquiyari racüna müxata 'asipücahaine hepaüsítana.

3 Mericüte, xüca xeime 'uquisie tiviyani mexi cünaya 'ayeyuri, 'uca micumaüva que mü'ane mücayücüna canitaterüvariemüçü. Mesü xüca 'umüni cünaya, puxünarie, 'inüari niuquiyari 'asicahainecacuri hepaüsítana. 'Ana xüca xeime 'uquisie tiviyani, 'uca micumaüva que mü'ane mücayücüna pücahütüni.

4 Müpaüta yaxeicüa xeme ne'ivama, Cürisitu yuvaiyarisie mumieriecü, xemeta xeniucui'iva 'inüari niuquiyari 'asimücahainenicü xehapeüsita. 'Ayumieme xeimesie xepüteviya, que mü'ane

müquite vasata manucuquesie, Cacaüyarisie mieme temutixuxuaverenicü.

⁵ Quepaucua teüteri vahepaü temüte'u'iyaricai, 'axa que temüteyuriecai tetetacahive'erietü, tavaiyari niucuyuitüärivacaitüni, 'inüari niuquiyari yataticuyuitüvacacu. 'Ayumieme teniucuini que temüte'utixuxuaverecai.

⁶ Hicüri tenixüxünini, 'inüari niuquiyari 'asipücahaine tahepaüsita temucuicü tita mütataviyacai mücatasiviyyacüri. 'Ayumiemicü hecuamecü 'Iyari que maine teteni'uximayaca, 'utüarica ye'imecü que müti'eniüriüçü püta tepücate'uximaya.

Tita 'axa müti'ane nehesie que mütiyeca

⁷ Queri te'utiyuaneni. Capüca 'inüari niuquiyari 'axa 'ane. Pücatixaüsietü. Masi xüca 'inüari niuquiyari caxuavenique, ne nepücaretimaniqueyu 'axa que nemütiyuriene. Hive'erica nepücahetimaniqueyu xüca 'inüari niuquiyari müpaü ca'anuyünenique, Pepücati'acahive'erieca.

⁸ 'Aisicayari muxuavecaicü, tita 'axa nemütiyuri nisutüani nesicuyuitüvatü para naimecü nemütinecahive'eriecacü. Xüca 'inüari niuquiyari 'umavenique, tita 'axa müti'ane pümüquiniqueyu.

⁹ Nesü heiva 'inüari niuquiyari necahexeiyatü 'anepuyeicacai. Quepaucua 'aisica münesi'u'axixü, tita 'axa nemütiyuriencacai nanutaniere. Neri neniumüni.

¹⁰ Mücü 'aisica münesi'anutanieritüani quecem, que nemütitaxe, mücü pünesi'umi püta.

11 Peru 'aisica muxuavecaicü, tita 'axa nemütiuyuri nisutüani neti'irüviyatü, mücü 'aisicacü pünesi'umi.

12 'Ayumieme 'inüari niuquiyari Cacaüyarisüa canimiemetüni, 'aisicata hesüana pümieme, püheiserie, 'aixüa pü'ane.

13 Mericüte, mücü 'aixüa mü'ane tihüçü tita münetiumie. Pücatixaüsietü. Masiri, para mümasiücünicü 'axa que müti'ane, tita 'axa nemütiuyuri pünesi'umi, 'icuyuitüvatü tita 'aixüa müti'ane. 'Ayumieme 'aisica muxuavecaicü, cuini mieme 'axa 'anetü nayani tita 'axa nemütiuyuri.

14 Tame tepütemate, 'inüari niuquiyari 'iyarisie pümieme. Ne püta teüteri vahepaü nepütiuca'iyari xeicüa. Tita 'axa müti'ane pünesi'unanai.

15 Nepüca'imate tita nemütiyuriene. Tita münetinaque yanepücatiyuriene, masi tita nemüti'uxie yanepütiyuriene.

16 Hicü mericü, xüca tita mücanetinaque yanetiyurieneni, 'ayumieme 'aixüa nepütixeiya 'inüari niuquiyari, quename 'aixüa 'ane ne'utaitü.

17 Hicü neri nepücahüçü que mü'ane müpaü mütiyuriene, masi tita 'axa müti'ane nehesie mütiyeca, mücü yapütiyuriene.

18 Ne nepütemate, nehesie tita 'aixüa müti'ane mücatiyeca, teüteri vahepaü que nemütiuca'iyari. 'Aixüa nepütiyurieneniqueyu peru nepünetexie 'aixüa que nemütiyurieniqueyu.

19 'Aixüa que nemütiyurieniqueyu, müpaü nepücatiyuriene. Masi 'axa que nemücatiyurieniqueyu, müpaü püta nepütiyuriene.

20 Mericüte xüca yanetiyurieneni que mücanetinaque, neri müpaü nepücatiyuriene, tita

'axa müti'ane nehesie mütiyeca püta yapütiyuriene.

21 'Ipaü nepüretima 'inüari hepaüsita, quepaucua nemünevaüriya 'aixüa nemütiyurienicü, tita 'axa müti'ane nehesie 'apuve.

22 Que nemütinemate ne'iyarisie, nepünetemavi Cacaüyari 'inüarieya hepaüsita,

23 peru 'inüari yükü 'aneme nepüxeiya nevaiyarisie tiviyame. Mütü 'inüari, que nemütinemate 'inüariyamatü mepuyucuitüve. Mütü 'inüari 'axa mü'ane nevaiyarisie mütiviya pünesi'ovi.

24 Ne xüa 'ui nepü'uximatüarie. Quepai pünesitaviceisitüani 'icü caxari que mütiumü.

25 Pamüparyusi nepipitüa Cacaüyari, Quesusi Cürisitu mütati'aitüvame nesipareviecacu. 'Ayumieme, que nemütinemate, nepüti'uximaya Cacaüyari 'inüarieyasie mieme, teüteri vahepaü que nemütiuca'iyari püta, nepüti'uximaya 'inüari 'axa mü'anesie mieme.

8

Que temüte'ayeyuyuri 'Iyarisi teteviyatü

1 'Ayumieme hicürixüa müme Cürisitu Quesusisie memüteviya mepüca'anutaxüriyaniri, müme 'amemüca'u'uva teüteri vahepaü mete'u'iyaritü, 'Iyari püta que maine 'amemu'uva.

2 Mütü 'inüari cümana 'Iyari tucari mipitüa que mü'ane Cürisitu Quesusisie mütiviya, mücü pünesi'uxünaxü, mücanesicuyuitüvanicü mücü 'inüari cümana 'axa nemütiyurienecai, cümana nemumü.

3 'Inüari niuquiyari que mücatiyüvecái, que mütiveranicai temüteütericü, Cacaüyari püta nenutahüani tita 'axa müti'ane que memüteyurie

teüteri vahepaü mete'u'iyaritü. Nenutahüani yunive heyenü'aca teüteri 'axa memüteyuruva vahepaü 'aneme, heiyenü'aca tita 'axa müti'ane hepaüsita.

⁴ Müpaü catiniuyurieni, tita mütiheiserie 'inüari niuquiyari que maine maye'attüarienicü tahesie, tame 'atemu'ü' uva teüteri vahepaü tete'u'iyaritü, 'Iyari püta que maine 'atemu' uva tahesie.

⁵ Müme teüteri vahepaü mete'u'iyaritü 'amemu'uva, müme teüteri vahepaü mepüteyumate. Müme 'Iyari püta que maine 'amemu'uva, müme 'Iyaripaü mepüteyumate.

⁶ Xüca teüteri vahepaü tiyumaica, canimümüçü. Xüca 'Iyaripaü tiyumaica, canayeyuricamüçü, yu'iyarisie püca'uximatüarieca.

⁷ Que mü'ané teüteri vahepaü mütiyumate, mücü Cacaüyari cani'uxieca. Yapücatamicie Cacaüyari 'inüarieyasie, ni müpaü pücayüve.

⁸ Müme teüteri vahepaü memüte'u'iyari, müme 'asimepücayüvave para Cacaüyari münaqui'acacü.

⁹ Xemeri teüteri vahepaü xepücate'u'iyari. 'Iyarisyie püta xepüteviya, xücate Cacaüyari 'Iyarieya xehesie yecani. Xüca xevitü Cürisitu 'Iyarieya cahexeiyani, mücü Cürisitusüa pücamieme.

¹⁰ Xüca Cürisitu xehesie tiviyani, xevaiyari canimüquin 'axa xemüte'uyuricü, xe'iyari masi canayeyurini heiserie xemupitüariecü.

¹¹ Que mü'ané menucuquetüa Quesusi müquite vasata, mücü 'Iyarieya xüca xehesie yecani, que mü'ané menucuquetüa Cürisitu Quesusi müquite vasata, mücütütü canenutanieritüamüçü

xevaiyari cuicui'ime, 'Iyarieya xehesie mütiyeca yatiyurienecacu.

¹² 'Ayumieme ne'ivama, tixaütü püreuyevese yatemüteyuriecacü. Peru pücaheuyevese teüteri vahepaü temüyüacacü que memüte'u'iyari, 'ate'u'uvatü teüteri que memüte'u'iyari.

¹³ Xüca 'axe'u'uvani teüteri que memüte'u'iyari, xepücuini. 'Iyari xepareviecacu xüca xe'imieni titä yuvaiyarisie mütiyuriene tevi, xenayeyuyuricacuni.

¹⁴ Queyupaümeme Cacaüyari 'Iyarieya müvaravitüçü, müme Cacaüyari nivemama mecanihümetüni.

¹⁵ Xeme 'iyari xepüca'utanaqui'erie vaüriyarica xemüte'uximaya hesiena mieme, tavari xemümamacacü. Xenitanaqui'erieni 'Iyari Cacaüyari nivemama müxe'ayeitüa püta. Mücüsie teteviyatü müpaü tepüte'uhiva, Quemasi, 'uquiyari.

¹⁶ Mücü 'Iyari ta'iyarimatü 'axeicüa mepütehecüata quename Cacaüyari türiyamama tehüme.

¹⁷ Xüca tetüriyamatüni, tixaütü tahesie pütinaqueni. Tita Cacaüyari mütatimini tahesie pütinaqueni, Cürisitusie que mütinaquenita, xücate hamatüana tete'ucuine, hamatüanatari visi te'anenetü temayeitüarienicü.

¹⁸ Ipaü nepüticu'eriva, que temütecuin hicü, mücü tixaütü catihütütüme tepü'erieca quepaucua temüxeisitüarieni visi que müti'ane 'uxa'a varie.

¹⁹ Naitü mütiunetüari püta'icueva Cacaüyari nivemama memasiütü memacüneçü, cui vaxeiyamütü.

20 Tita mütiunetüari xüanacüa que mürayeitüari, müpaü mütiyuvaüriyacaicü müpaü pücatiuyü. Que mü'ané müpaü 'aneme meyeitüa yamütiuyuricü püta puyü. Ta'icuevatü xeicüa yuri tini'erieca.

21 Tita mütiunetüari 'ayumieme püxünarieni, tita mütipünive müca'l'aitüacacürü, masi Cacaüyari türiyamama visi memü'anene vahepaü xünitü mayanicü.

22 Müpaü tepütemate, naitü mütiunetüari 'axeicüa ma'aiva, 'axeicüa müticuine hicüque.

23 Mütü meta, tameta 'Iyari temexeiya tita 'umüramiesie timiemetüme, siepure tataüta tena'aivani teta'icuevatü Cacaüyari nivemama temacüneçü quepaucua tavaiyari müxünarieni.

24 Müpaü yuri tete'erietü teteta'icuevatü teputavicueisitüari. Peru xüca 'ixeiya tita müticuevie, masi püca'icuevieri. Queri ticuevieca tita mütixeiya.

25 Perusü xüca te'icuevieca tita temücatexeiya, tenita'icuevani tete'uca'enivatü.

26 Müpaürita yaxeicüa 'Iyari pütasiparevi que temüteverarani. 'Asitepücatemate tita temüte'itavavirieni que müreuyevese. Mütü 'Iyari masi tahesie mieme nitavavirivani Cacaüyari, ha'aivatü niuquiyari que mücatixuave.

27 Que mü'ané ta'iyari müta'inüata, mücü catinimaica que müticu'eriva 'Iyari, 'iya mitavavirivacü Cacaüyari que mütinaque, müme Cacaüyarisie mieme memupasie vahesie mieme.

Yemecü que temütehe'iva naime

28 Tame müpaü tecatenimaica, müme meminaqui'erie Cacaüyari, 'iya nivaparevieca, naime

ticuyuitüvatü para 'aixüa memü'itüarienicü müme memuta'inieri, 'iya que mütiyuriemüçücai meripai.

²⁹ Müme meripai müvamaicai, müme nu'ayapaü me'aneneme püvarayeitüamüçücai meripai, 'iya yumüireme 'ivamarixi vamasica mayanicü.

³⁰ Müme meripai müya me'aneneme müvarayeitüamüçücai, müme nivaruta'inieri. Müme müvaruta'inie, heiserie nivarupitüani. Müme heiserie müvarupitüa, visi me'aneneme nivarayeitüani.

³¹ Queri te'utiyuaneni xüca müpaü 'aneni. Xüca Cacaüyari tasinaqui'erieca, quepai pütasi'uxive'erieca.

³² Que mü'ane yunive müca'utavicueisitüa, miyetua püta tanaime takesie mieme, 'iya xüari hamatüana naime pütatiminita.

³³ Quepai püvaxanetani müme Cacaüyari müvaranuyexe. Cacaüyari canihütüni que mü'ane heiserie müvarupitüa.

³⁴ Quepairi püvaranutaxürieni. Cürisitu Que-susi canihütüni que mü'ane mumü, que mü'ane masi manucuque, que mü'ane Cacaüyari serietä macaca, que mü'aneta takesie mieme mitavaviriva.

³⁵ Quepai pütasipata Cürisitu mücatasinaqui'eriecacü. Xüca te'uximatüarieca, xüca tesaipünarieca, xüca te'utaveiyarieni, xüca teheuhacacuicuni, xüca temamaveni, xüca te'ucueriva'itüarieni, xüca tecui'ivarümeni, mücü naitü que tiyüve.

³⁶ Que müre'uxa,
Taheyemecü tepücui'iva 'ahesüa temümiemetecü.
Muxasi memücui'ivanipaü teni'erivani.

37 Sepasü naime, cuini mieme tecatene'ivani 'icü naime 'iya mütasinaqui'erie yatatipitüacacu.

38 Ne müpaü nepütinamate, sepa temücuini sepa temayeyuyurini, sepa niuqui tuayamete sepa te'aitamete memüyüaca, sepa tita hicü mütimieme sepa tita 'uxa'a mütimieme, sepa memütürücavi,

39 sepa müreutiteva sepa müreucateva, sepa que mütitita que 'anetü mütiunetüari, mücü püçayüveni mütasipata Cacaüyari mücatasinaqui'eriecacü, Cürisitu Quesusi mütati'aitüvame que mütatinaqui'erie.

9

'Ixaherisixi que memüte'anayexeiyari

1 Yuri nepaine Cürisitusie netiviyatü. Nepücati'itava, ne'iyari nehamatü yatinihecütanı 'Iyari Mütiyupatasie netiviyacacu.

2 Müpaü nepaine, yemecü nepünehiverie, ne'iyarisie nepüticuine necatihayevatü.

3 Nemeuyehüiyaniqueyu Cürisitusie necativiyatü nemayanicü, ne'ivama vahesie mieme, müme memünemarema que memüte'utinunuiva, müme vahesie mieme.

4 Müme mecani'ixaherisixitüni. Müme Cacaüyari nivemama mepayeitüari, visi ti'aneme mepüte'üpüüari, türatute mepupitüari, 'inüari niuquiyari mepupitüari, Cacaüyarisie mieme 'uximayasica mepxeysi, mepüte'utahüavari que memütemiqueniquecai.

5 Ta'uquiyarima mepüva'uquiyarima, vasatata canimiemetüni que mü'ane heiserie mupitüarie Cürisitütü, que mütiunuivaxü. 'Iya nai ti'aitame

Cacaüyari canihütüni. 'Aixüa quetixasivani yuheyemecü. Müpaü xeicüa pü'ane.

6 Perusü Cacaüyari niuquieya pücayutatexie, müpaü püca'ane. Yunaitü 'Ixaherisie memüyecü, müme mepüca'ixaherisixi.

7 'Apurahamisie memüyecücü xeicüa, yunaitü mepücatüriyamama. Masi müpaü paine, 'Isahaquisie memüyecüne, müme 'anivema mecanitaterüvariecuni.

8 'Ipaü cani'aneni, türü vaiyarieyasie memüyecü, müme Cacaüyari türiyamama mepücahüme, masisü müme memutinunuivaxü Cacaüyari que mütitahüavixü mütiminiquecai, mümetütü nivemama meputaterüvari.

9 Catinitahüave que mütiminiquecai müpaü haitü, 'Epaucua nepayeneni. 'Ana Sara yunive pexeianiri.

10 Mücürita, 'ana Xevecasie yamepüte'inüaricai türü, ta'uquiyari 'Isahaqui muyuxevicai va'uquiyaritücacu.

11 Mecatinunuivavecacu cuxi, tita 'aixüa müti'ane tita 'axa müti'ane mepücateyurievavecacu cuxi para müseiriyarienicü tita Cacaüyari mütiyuriemüçücai que mütivaranyeteüxixü,

12 que mü'ane müvaruta'inie yatiyurienetü, sepatovi que mütiyurienecai. 'Ana Xeveca müpaü pütiutahüavari, Masicaya catini'uximayacamüçü yumutasie mieme,

13 que müre'uxa, Nepinaqui'eriecai Cacuvu, 'Esahu püta nepu'uxiecai.

14 Mericüte, que te'utiyuaneni. Cacaüyari que mücatiheiserie pücatiyuriene. Pücatixaüsietü.

15 Müpaüri pütitahüavixü Muisexi, Nepinenimaya que mü'ané nemünenimayatamüçü, nepi'üviya que mü'ané nemü'üviyamüçü.

16 'Ayumieme sepasü xevitü yamütiyuvaüriya yamütiunanausa, Cacaüyari mütiyucanenimaya canihütütni que mü'ané müpaü müyüane.

17 'Utuarica niuquiyari müpaü püticühüave Parahuni, 'Ayumieme nepümasi'anucuquetüa, 'ahesie nemütihecüatanicü que nemütitürücaüye, naisari cuiepa nemücuxasivanicü que mü'ané nemühüçü.

18 'Ayumieme caninenimayaca que mü'ané münenimayatamüçü, se'ime nayeitüani que mü'ané se'ime mayeitüamüçü.

19 Süricü müpaü pepüneticühüaveni, Mericüte, titayaricuta tiniuquixie cuxi. Quepai pi'uxive'erieca tita mütiyuriemüçü 'iya.

20 Neuxei, 'ecüsüari que pepüpaicü pemita'eiyanicü Cacaüyari. Tita mütiuveviya que ticühüaveni 'ivevivame, Titayari 'ipaü ne'aneme penetiutavevi, 'utaitü.

21 Camü 'ivevame heiserie carexeiya haxu hepaüsita, xei tapuriyaricü müttivevienicü xeime xari visi mürapiyacacü, xeimeta 'axa mürapiyacakü.

22 Sepa Cacaüyari masiüçüme mayeitüamüçü que mütiha'a, titahecüatamütü que mütitürücaüye, quesü yünü xüca cui tiuca'enivatü 'inevieni paüri mühecarieni müha'arisie müca'unarienicü.

23 Müpaü pütiuyuri mütihecüatanicü vaücvamecü visi que müti'ané, visi 'aneme 'ayeitüatü paüri münenimaya, meripai micuha'aritüa visi 'anetü mayanicü.

24 Tamesü tecanihümetüni. Pütasi'uta'inie, Huriyusixi vasata xeicüa pücatixaü, masi memücahuriyusixi vasatata pütasi'uta'inie.

25 Que maine Huxeya xapayararie,
Müme memücaneteüterimatücái, neteüterima nepütivataterüva.

'Iya mücanaqui'erivacai, münaqui'eriva nepütitaterüva.

26 Haque müpaü memütetahüavarie,
Xepücaneteüterima,
Mana Cacaüyari mayeyuri nivemama
mepütaterüvarieni.

27 Quisariyaxita müpaü tiniuhiva 'Ixaheri hepaüsita, Sepanetü 'Ixaheri xiüyaramama haramarasie mieme xiecaripaü memüyupaümenique, hipatü xeicüa mecanitaviceisitüuariecuni.

28 Heye'atüatü yuniuqui, 'imexüitüatü yacatiniyuriemüçü Ti'aitame cuiepa.

29 Meripai que mainecaita Quisariyaxi,
Que mü'ané yumüireme mütiva'aitüvame
Xüca catasi'ucu'eiririenique tatüriyama,
Surumatari vahepaü tecani'itüarieniqueyu,
Cumuxatari vahepaü tepü'aneneniqueyu.

Huriyusixi teüteriyari que memüteheiye Hüva niuqui 'aixüa manuyüne

30 Mericüte, que te'utiyuaneni. Müme memücahuriyusixi memücayumexüitüacai heiserie memexeiyanicü, müme heiserie mecaniupitüarien. Heiserie mepexeiya yuri memüte'eriecü.

31 'Ixaherisixi püta memüyumexüitüacai heiserie memexeiyanicü 'inüari niuquiyarisie mieme, müme mepüca'aye'axüa 'inüari niuquiyarisie.

32 Titayariri. Yuri mepücate'eriecai, masi que memüteyuriecai mepüyumexütüacai. 'Ayumieme mepüca'aye'axüa. Meputi'ücamürixü tete mürati'ücamüritüresie,

33 que müre'uxa,

Camü Siyunisie nepicaye tete mürati'ücamüritüre,
Tete cümana memüti'ücamürique.

Que mü'ane yuri müti'erie 'iyasie pücayuteviyani.

10

1 Ne'ivama, ne'iyaricü 'ipaü nepüreixeiyani quey, 'ipaü nepütivaviri Cacaüyari müme vahesie mieme, memütaviceisitüarienicü.

2 Netinihecüatani cuini mieme Cacaüyarisie mieme que memüteyumexütüa, masi 'aixüa metemaitü mepücayumexütüa.

3 'Asimepücate mate heiserie que mütiyupitüva Cacaüyari. Yücumana püta mepütecuvautüve heiserie que memüteyupitüanicü. 'Ayumieme yamepücatecahu Cacaüyari que maine, heiserie müvapitüanicü.

4 Cürisitu nitaparitüani 'inüari niuquiyari, yunaitü yuri memüte'erie heiserie memüpütitüarienicü.

5 Muisexiri müpaü tiniu'utüani, 'inüari niuquiyaricü heiserie que mürexeyi xatatü, müpaü 'utaitü, Que mü'ane tevi müpaü mütiyurieni, mücü canayeyuricamüçü cümana.

6 Peru yuri müti'eriecü heiserie que mürexeyi, 'ipaü püta paine, 'A'iyarisie müpaü pepücati'acühüaveni, quepai taheima peutimieni pe'utaitü, Cürisitu manacavitünicü peticu'erivatü,

⁷ quepai peucamieni meucatevasie pe'utaitü nusu, Cürisitu manativitünicü müquite vasata peticu'erivatü.

⁸ Masi que haine. Niuquiyari canehuraniri 'atenisie 'a'iyarisie. Tita temütecuxata yuri que müti'erie hepaüsita, mücü canihüctüni.

⁹ Müpaü paine, xüca 'atenicü peti'ahecüatüaca Quesusisisie petiviyatü Ti'aitame que mütihüçü, xüca 'a'iyaricü yuri peti'erieca quename Cacaüyari henucuquetüa müquite vasata, pecanitavicueisitüariemücü.

¹⁰ Yu'iyaricü tevi yuri püti'erie heiserie müpitüarienicü. Yutenicü pütiyuhecüatüa mütaviceisitüarienicü.

¹¹ Ipaü paine 'utüäricha xapayari, Yunaitü hesiena yuri memüte'erie mepücayuteteviyani.

¹² Huriyusixi Cüriyecusixi yükü mepüca'anene. Yunaime Tiva'aitüvame caniyuxevini, cui pütivamicua yunaitü memitahüave.

¹³ Yunaitü memitahüaveni Ti'aitame mepütavicueisitüarieni.

¹⁴ Mericüte, que mü'anesie yuri memücate'uta'erie que mete'i Hüäveni. Quepaü yuri meteta'eriensi que mü'anesie 'asimemücatehetimaivave hepaüsítana. Quepaü meteheitimani xüca 'umaveni que mü'ane mütivacuxaxatüvani.

¹⁵ Quepaü metecuxatani xüca mecaheutanü'ariexüani. Que müre'uxa, Müme memütecuxata que mücati'uximatüarieca yu'iyarisie, niuqui 'aixüa manuyüne memütecuxata visi que 'aneneni vaqueiya.

¹⁶ Masi yunaitü yamepücatecacü niuqui 'aixüa

manuyüne que maine. Quisariyaxi müpaü paine,
Ti'aitame, quepai yuri tita'eririe tita mütiu'enie
yatetecuxatacacu tame.

¹⁷ Tita mütiu'enie mi'axixücü, 'ayumieme
tevi yuri pütiuta'erie. Müpaü catini'enani, tita
müticuxasiva Cürisitu hepaüsita mi'axixücü.

¹⁸ Masisü müpaü nepaine, mete'u'enana 'acu.
Camüsü,
Naisarie cuiepa peutayeixüa vaniuqui,
Cuie manunierepai neta'axüani vaxasica.

¹⁹ Mericüte, müpaü nepaineta, Süricü 'Ixaherisixi
yamecatehetima 'acu. Mericüsü Muisexi meri
'ipaü paine,

Xe'ütesacame nepüxe'ayeitüani xemüvatesanicü
Müme xei nuivariyari memücahüme.

Xevahecame teüteri 'asimemücatemaivave
nepüxe'ayeitüani.

²⁰ 'Arique Quisariyaxi camatü 'ipaü paine,
Müme memücanesicuvautüvecai mepünesi'utaxezi.
Müme nehepaüsita memücatecu'ivavacai,
Vahüxie nemasiüctü nenayani.

²¹ Müpaüta naineni 'Ixaherisixi vahepaüsita,
Tucaricü nemama nepeutasera teüteri
yamemücatecahu memü'uxiva'a vahepa.

11

Hipatü 'Ixaherisixi que memüteyuhayevani

¹ Mericüsü 'ayumieme 'ipaü nepaine, Cacaüyari
tivarutixani'erie yuteüterima. Pücatixaüsietü. Neri
'Ixaherisixi necanixevitütüni. 'Apurahamisie
nepüyetüa, Venicamini nuivarieyasie nepümieme.

² Cacaüyari pücavarutixani'erie yuteüterima
meripai müvamaicai. Mesü 'asixecatemate que

maine 'utüarica xapayari 'Eriyaxi xatatü. Mücü nitavavirieni Cacaüyari 'Ixaherisixi vahepaüsita, müpaü 'utaitü,

³ Neuxei Ti'aitame, mepüvarucui müme memütecuxatacái 'ahesie mieme. Mepica'unaxüa haque 'amavari müratimemierivasie. Ne nexaüta nepünehayeva, mepünesicuvautüve memünesimienicü.

⁴ Peru Cacaüyari que titaeitütü. 'Ipaüsietü, Nehesie mieme 'atahuta miriyari nepüvatiyasa 'uquisi, Vahari hüxie memücacatunuma'uivave.

⁵ Müpaüri yaxeicüa hicüta mepüyuhayevaxü hipatü memanayexeiyarie 'aixüa que mütiuca'iyari 'iyä.

⁶ Camü 'aixüa mütiuca'iyaricü mepanayexeiyari, tixaütü memüte'uyuricü mepüca'anayexeiyari. Mesü, 'aixüa que mütiuca'iyari, xüca tixaütü meteyurieca me'anayexeiyarienique, mücü püta 'aixüa pücatiuca'iyariniqueyu. Xücateri me'anayexeiyarienique tixaütü memüte'uyuricü, 'aixüa tiuca'iyaritü pücavarayanayexeiyaqueyu. Mesü, que memüte'uyurie, xüca 'aixüa tiuca'iyaritü varanayexeiyaque, müme püta tixaütü mepücateyurieniqueyu.

⁷ Queteri 'aneni. 'Ixaherisixi mepücaheitaxeı tita memütecuvautüvecai. Müme memanayexeiyarie meneitaxeiya püta. Hipatü müme mesese'itü menacüne,

⁸ que müre'uxa,
Cacaüyari 'iyari müyü'üraxie nivarupitüani,
Hüxi tivarupitüa cümana memücaheunenierenicü,
Naca tivarupitüa cümana memücaheu'enanacacü
Hicüque.

⁹ Ravirita müpaü paine,
 Mexasie quepaucua memüte'apica,
 'Ipari que'ayani, viniyari que'ayani vahesie
 mieme,
 Meque'utiquetamürixüani muva.
 'Amemüte'apinepaü mequete'epinirieni.
¹⁰ Vahüxi que'acüpüre memücaheunenierenicü.
 Me'anacatatusitü meque'acüne yuheyemecü.

Memücahuriyusixi que memütetavicueisitüarieni

¹¹ Mericüsü nepaine, metiquetamürixüaca
 mecatehecaxüri yuheyemecü. Pücatixaüsietü.
 Masi ta'aurie memaxüricü müme, müme
 memücahuriyusixi mepütavicueisitüarieni,
 Huriyusixi memü'lütesanicü.

¹² Ta'aurie memaxüricü cuiepa memütama
 vaüca que memüte'upitüarie, müme
 memüyutexiecü memücahuriyusixi vaüca
 que memüte'upitüarie, camü masi vaücava
 mecatepitüarieni cuxi quepaucua memaye'axüani
 Huriyusixi.

¹³ Ne müpaü nepütixecühüave xeme
 xemücahuriyusixi, ne que nemürenü'arie
 memücahuriyusixi vahesüa, 'aixüa nepaine
 nehüritüarica hepaüsita,

¹⁴ siparasü xüca neyüveni nemüva'ütesatüanicü
 ne'ivamarixi, siparasü xüca nevatavicueisitüani
 hipame müme.

¹⁵ Müme memüxani'erivacü, cuiepa memütama
 meniupasieni 'aixüa memütexeyarienicü.
 Masi vaücava cuxi catiyüni quepaucua
 memünaqui'erivani. Xüari cuiepa memütama
 'ayumieme mepanutaneniereni müquite vasata.

16 Hecuame mavariyari xüca Cacaüyarisie mieme 'upasieni, naitü yacatinipasiemüçü. Nanayari xüca Cacaüyarisie mieme 'upasieni, mamateyata canipasiemüçü.

17 Hicü hipatü mamateya menanumurixüani, 'ecü huriva yeutanaca pehütütü vasata peniucaquerieni huriva cüyeyari nanayasie mieme hayari que müracacapaü pe'ietü pemayanicü vahepaü.

18 'Ayumieme pepücavatave'erieca mamateya. Xücarı pevatave'erieca, camü 'ecü pepüca'itituica nanayari, nanayari püta pümasitituica 'ecü.

19 'Ecüri müpaü pepütayüni, Mamateya mepanumurariexüa nemücaquerienicü ne.

20 Mericüte, yuri memücate'eriecaicü, 'ayumieme mepanumurariexüa. 'Ecüsü yuri pemüti'eriecü 'apepuve. Pepüca'anuye haitürüve que pemüti'amate, masi queneumaca.

21 Xücarı Cacaüyari cavarucu'eirieni mamateya yükümana memutinexüa, tietü camasicu'eiriemüçü 'ecüta.

22 Camü 'aixüa que tiuca'iyari que tise'ita Cacaüyari. Canise'icaitüni memacaxüri vahepaüsita. 'Aixüa catiniuca'iyarini 'ahepaüsita xüca pe'ahayevani 'aixüa tiuca'iyaricacu 'iya. Me xüca catixaütüni, penanuvitequiemüçü 'ecüta.

23 Mümerita xüca yuri mecate'erietü mecayuhayevani, müme mepeca'uitüarieni. Cacaüyari türükariya canexeiyani tavari müvaca'uitüanicü.

24 'Ecüri huriva yeutanaca mutinuivaxüsie pemiemetütü penanuvitequieni, haraverita mieme hurivasie peniucaquerieni que

pemücatiunuivaxü. Masi yemecü müme mamateya mücü hurivasie memümiemete mecateca'uitüarieni yüçüyeyarisie.

*'Imatürieaca que memütetavicueisitüarieni
'Ixaherisixi*

25 Ne'ivama, yacü xeicüa capa temaivavemete xeyu'eriecacü, pücanesinaqueniqueyu xüca xecahitimanique 'icü niuqui muti'aviesiecai. Hipatü xeicüa 'Ixaherisixi mesese'itü menacüne, mexi yunaitü memücahuriyusixi meca'aye'axüavave.

26 Müpaü tiyüyu, yunaitü 'Ixaherisixi menitavicueisitüariecuni, que müre'uxa, Tiyuvicueisitüvame Siyunisie nayeyeimüçü. Ta'aurie pehüani Cacuvu, Cacaüyari ca'ayexeiyatü mücayuhayevacü.

27 'Ipaü netinivaveviriemüçü türatu Quepaucua nemüvanavairieni tita 'axa memüte'uyurie.

28 Niuqui 'aixüa manuyüne que müticuxasiva, müme meniu'uxiva'ani, xeme 'aixüa xemü'itüarienicü. Peru que memüte'anayexeiyarie, Cacaüyari püvanaquí'erie va'uquiyarima müvanaquí'eriecaicü.

29 Cacaüyari pücayupata que mütivamicua que mütiva'inie.

30 Xemesü que yaxemücatecahuai'anapai, hicü que xemütenenimayasie mexi müme yamecatecahu,

31 yaxeicüa müme hicü yamepücatecahu mexi xenenimayasie xeme, mümerita hicürixüa memünenimayasiecacü.

32 Cacaüyari yunaime
ani yamemücatecahunicü,
müvanenimayacakü.

33 Quetimarive, Cacaüyari vaücava que
mürexeiya, que mütimaive, vaüca que mütimate.
Que tiyutexie tevi 'i'inüatatü tita mütiyüçühüave
Cacaüyari, 'icuvaunetü huyeteya.

34 Quepai püretima Ti'aitame que mütiyumate,
Qepai picu'imaiya.

35 Quepai pütimicua meri, 'amürapinenicü 'iya.

36 Naitü hesüana catinaneicanı, 'acatiniuveni 'iya
ticuyuitüvacacu, hesiena catinimiemetüni. 'Aixüa
queticuxasivani yuheyemecü.

12

*Que müreuyevese yamütiyurienenicü Cacaüyarisie
mieme pasietü*

1 'Ayumieme ne'ivama Cacaüyari
mütiyucanenimayacü, müpaü netinixevavirieca,
xemiyetuanicü yuvaiyari mavari mayanicü
mayeyuri mupasie minaque Cacaüyari. Mücü
'uximayasicacü xecaneyexeiyacakuni 'iyarisie
mümiemecü.

2 Mume hicü cuiropa memütama xepücava'üqueni,
masi yükü xe'anenetü xequenacüni xetihehe-
cuareme que xemütecu'eriva. Müpaü xeteyurietü
heiseriemecü xeneitimaicuni tita mütinaque
Cacaüyari, tita 'aixüa müti'ane titacü mütinaqui'a
titacü müraye'ave.

3 'Iya 'aixüa mütiuca'iyaricü nehesie mieme,
'ayumieme müpaü nepütixecühüave yuxexuitü
yuhesüa xemetitei, xepüca'anuyehaitürüveni
xeteyüçühüavetü yuhepaüsita que mücareuyevese

yaxemüteyüçühüavenicü. Masi yaxe-queteneyüçühüaveni para 'aixüa xemüteyumaicacü püta, yuxexuitü Cacaüyari que mütixe'u'inüasirie yuri xemüte'eriecacü.

⁴ Tavaiyari caniyuxevini, peru paüriyari hesiena mümieme canimüireni. Xexuitü paüriyari yücü pütiyuruva.

⁵ Tameta temümüire, xei vaiyari tecanihümetüni Cürisitusie teteviyatü. 'Axeicüa taxexuitü tinitap-initüni.

⁶ Yücü teteniumiquivani, 'iya 'aixüa que mütiuca'iyari taxexuime tahesie mieme. Xüca müpaü tete'umiquieni texaxatamete temacünecü, yatepüte'umiquiva yuri que temüte'erie.

⁷ Xüca teteparevivametetüni, teteparevietü yatepüte'umiquiva, xüca tete'üquitametetüni, tete'üquitatü yatepüte'umiquiva,

⁸ xüca tetetutuicametetüni, tevatuicatü yatepüte'umiquiva. Que mü'ané müтивamicua, 'aixüa 'iyaricü müтивamicuanicü yapütiumiquiva, que mü'ané müti'aita, yamütiyumexüitüacacü yapütiumiquiva, que mü'ané müvanenimaya hipame, müyutemaviecacü yapütiumiquiva.

Cürisitu teüterimama que yamemütecahuni

⁹ Yacü xeicüa xecayüatü xequeteneyucanaqui'erieca. Xe'ixeümatü titä 'axa müti'ané, titä 'aixüa müti'anesie xequeteneviyani.

¹⁰ Que xemütevanaqui'erie yu'ivamarixi, yu'iyaricü xequenivahive'erieca. Yuxexuitü masi xequenivapitüaca yu'ivama ve'emetet xeva'erietü.

¹¹ Xepücayü'üraraxieca que xemüteyumexüitüa. 'Aixüa 'iyaricü xequeneyuvaüriyaca. Xequetenexuximayaca Ti'aitamesie mieme.

12 Yuri que xemüte'erie xeta'icuevatü, xequeneyutemamavieca. Que xemüte'uximatüarie, xequeteneuca'enivani. Que xemüteyunenievie, xepücatehayevani.

13 Cacaüyari teüterimama que memüteheiyehüva, xequenivaparevieca. Xequeneyumexütüaca xeva'inietü cu'uvamete.

14 'Aixüa xequetenivaxatani müme memüxe'uveiya vahepaüsita 'aixüa memü'itüarienicü. 'Aixüa xequetenivaxatani, tixaü xepücatevaxatani para 'axa memü'itüarienicü.

15 Memüyutemamavie vahamatü xequeneyutemamavieca. Memütisuana vahamatü xequeneutisuanani.

16 Yaxeicüa xequeteneyüçühüaveni yuhepaüsita yuxexuitü. Xepüca'anuyehaitürüveni que xemüteyumate, masi tixaütü memücatehüme vahamatü xequeneu'uvani. Yacü xeicüa xetecu'erivatü, xetemaivavemete xepücayu'erieca.

17 Ni xeime 'axa xepücate'apica 'iya 'axa xe'uyuriecu. Xequetenecuvava 'aixüa xemüteyuriecacü yunaime teüteri vahüxicü.

18 Xüca xeyüvaveni, que xemüteyurie xeme, cayuvatü xequeteneteni yunaime teüteri vahamatü.

19 Nenaqui'erima, yuhesie mieme xepücayucuitüveni, masi xequetenehayevani müme püta memühecarienicü. Müpaü püre'uxa, Ne xehesie mieme nepünemieneni. 'Anepürapica ne, canaineni Ti'aitame.

20 Masisü xüca que mü'ane mümasi'uxie heuhacamücüni, quetineumicua. Xüca heuharimücüni,

queneuharitüa. Müpaü petiyurienetü pecani-hiveritüamüçü müpaü mütiyumaicacü que mü'ane muteviyasitüariepaü.

²¹ Xepüca'ipitüani tita 'axa müti'ane müxeha'ivanicü, masi xequena'ivani tita 'axa müti'ane, 'aixüa xeteyurietü püta.

13

¹ Yunaitü yamequetecahu que memüte'aita müme heiserie memexeiya memüte'aitanicü, müme vaheima memucayasarie. Tevi heiserie pücahexeyaniqueyu müti'aitanicü, me xüca Cacaüyari ca'ipitüanique. Müme heiserie memexeiya hicü memüte'aitanicü mecani'aisieca, Cacaüyari tiva'aitüacacu.

² 'Ayumieme que mü'ane meye'unie cuiepa ti'aitame, mücü caneye'unieca tita Cacaüyari mütiuta'aitaxü. Müme memeye'unie yükümana menanuyutaxüricuni.

³ Isücate mepücayüa memimariutanicü que mü'ane 'aixüa mütiyuriene, masi mepüyüüa memimariutanicü que mü'ane 'axa mütiyuriene püta. Pereuyeimüçü peca'imacarütü que mü'ane heiserie mexeiya müti'aitanicü 'acu. Mericüte, 'aixüa quetineyurieneni. Mücüri 'aixüa paineni 'ahепаüsita.

⁴ Cacaüyari parevivameya canihüctüni 'aixüa pemü'itüarienicü. Me xüca 'axa petiyurieneni, queneumaca. Yacü pücahecue'e 'ixipara. Cacaüyari parevivameya canihüctüni haxüacü mürepinirienicü que mü'ane 'axa mütiyuriene.

5 'Ayumieme peuyevese yamüticamienicü que müti'aita, haxüacü xeicüa pücatixaü, masi yu'iýarisie 'aixüa mütiyumaicacüta.

6 'Ayumiemerita xepüteyutuani que xemüteheuyehüviyarüva. Müme Cacaüyari tupirisiximama mecanihümetüni, mücüçü mecani'ayumiemetetüni.

7 Xequetenivarapinirieca yunaime titä müreuyevese. Xequene'ütüa que mü'anä meuyevese xemi'ütüanicü titä xemüteheuyehüviyarüva. Xequene'ütüa que mü'anä meuyevese cuviyexunu tuminieya xemi'ütüanicü. Xequeteneuyehüvirieca que mü'anä meuyevese xemüteheiyehüviriecacü. Ve'eme xequenexatani que mü'anä meuyevese ve'eme xemüxatanicü.

8 'Aixüa püçayüni xüca heuyeveca xeime xemüte'apiniriecacü. Peuyevese xeicüa xemüyunaqui'eriecacü püta. Que mü'anä minaqui'erie xeime, mücü caneye'atüaniri 'inüari niuquiyari.

9 Mücü niuqui, xeime 'üyaya pepücacumaüvani, pepücati'amemivani, pepücatinavayani, peti'itavatü pepücatihecüatani, pepücati'acahive'erieca, que maine, xevitü 'aisica xüca xuavenita, mücü naitü catiniyutaxevire 'icü niuquicü, Pepinaqui'erieca 'ahepaü tevi que pemüti'anaqui'erie 'ecü.

10 'Inaqui'erietü yuhepaü tevi, 'axa püca'iyurieneni. 'Ayumieme tiyucanaqui'erietü caneye'atüamüçü 'inüari niuquiyari.

11 Mücü meta, xenimaicari 'icü tucari. Hicürixüa canaye'aniri xemanutanenierenicü xecusutü. Hicü canahuraniri temütavicueisitüarieni.

Quepaucua yuri temüte'uta'erie pücahahuracai hicüpaü.

¹² Tücarı pütixüxime, tucari nehuraniri. Hicü 'ayumieme teque'icu'eirieni tita teüteri memüteyurie yüvipa timieme. Cuya tepüayari teque'anacatücüni hecüaripa mieme.

¹³ 'Aixüa 'anemecü teque'u'uvani hecüaripa memu'uva vahepaü teyüatü, tecə'ixüaratüvetü tecatarüvetü tecarucusixitütü tecaheutayexürietü tecata'eririyatü tecə'ütesatü.

¹⁴ Masi xequenanacatücüni que mü'ane Ti'aitame Quesusi Cürisitu mühücü. Xepücayuh'a'ritüaca yaxemüteyuriecacü que memüte'ucahive'erie teüteri vahepaü xete'u'iyaritü.

14

Müme memüverarani yuri que memüte'erie

¹ Xequeneutanaqui'erie que mü'ane müverani yuri que müti'erie, peru niuqui xemüxüatücacacü que müticu'eriva hepaüsita pücatixaü.

² Xevitü yuri catini'erieca quename yüve nai müticuaca, xevitüta müverani sisiüravime xeicüa pücua'a.

³ Que mü'ane müticua'a püca'itave'erieca que mü'ane mücaticua'a. Que mü'aneta mücaticua'a püca'iniuquimani que mü'ane müticua'a, Cacaüyari mitanaqui'ericü 'iya.

⁴ 'Ecüsü que pepüpaicü peminiuquimanicü que mü'ane xeimesie mieme müti'uximaya. Yucusiyari hürüpa 'aputive 'apative nusu. 'Apitativevitütü. Cusiyarieya türükariya pexeiya 'amitaquetüanicü.

⁵ Mücü meta, xevitü tucarite yükü 'aneneme cani'erieca, xevitüta naitü tucari yaxeicüa

ti'aneneme ni'erieca. Yuxexuitü yu'iyarisie heiseriemecü mequeteyumaica.

⁶ Que mü'ane ma'eriva tucari, Ti'aitamesie mieme yüanetü cana'erivanı. Que mü'ane mücaha'eriva tucari, mücüta Ti'aitamesie mieme yüanetü pücaha'eriva. Que mü'ane müticua'a, Ti'aitamesie mieme yüanetü catinicuaca, pamüparyusi nipitüani Cacaüyari. Que mü'ane mücaticua'a, mücüta Ti'aitamesie mieme yüanetü pücaticua'a, pamüparyusi nipitüani Cacaüyari.

⁷ Xevitü tame yuhesie mieme xeicüa püca'ayeyuri, yuhesie mieme xeicüa püca'umüni.

⁸ Xüca te'ayeyuyurini, Ti'aitamesie mieme tenayeyuyurini. Xüca te'ucuini, Ti'aitamesie mieme tenicuicuni. 'Ayumieme sepa temayeyuri sepa temücuini, Ti'aitamesüa tecanimiemetetüni.

⁹ 'Ayumiemerita Cürisitu niumüni nanutaniere, müme memümüquite memayeyuyurita tiva'aitüvame mayanicü.

¹⁰ 'Ecüri titayari petiniuquima 'a'iva. 'Ecütari, titayari petitave'erie 'a'iva. Tanaitü tecaniuti'uicuni Cacaüyari 'uvenieya hüxie.

¹¹ Müpaü püre'uxa,
Ne necanayeyurini, canaineni Ti'aitame.
'Ayumieme nehüxie yunaitü meni-
catunuma'uicuni,
Yunaitü yutetacü 'aixüa mecanihecüatacacuni Ca-
caüyari.

¹² Hicü 'ayumieme taxexuitü tahesie mieme tepütiniuni Cacaüyari hüxie.

Xepüca'icahüani titasie mütitiquetamüreni xe'iva

13 'Ayumieme tepütcataniuquimatüveni. Masi 'ipaü xequeteneyumaica püta, xemüca'icahüani titasie mütitiquetamüreni xe'iva, titacü mativauseni.

14 'Ipaü nepütimate, Ti'aitame Quesusisie netiviyatü 'ipaü yuri nepüti'erie, tixaütü xüca cat'ihiyaca, yücumana müpaü püca'ane. Masi xeicüa, que mü'anə ca'itiyacame mü'erie, mücüsie mieme püca'itiya.

15 Xüca 'a'iva 'uhiveritüarieni 'icuaicü, 'ecü pe'inaqui'erietü pepücayüane. 'A'icuaicü pepüca'ica'unani que mü'anesie mieme mumü Cürisitu.

16 Tita xehesie mieme 'aixüa müti'ane, xüca tüma 'axa caticuxasivanique.

17 Cacaüyari 'i'aitüacacu xüca 'a'uyeicani tevi, sepa müticua'a sepa müranuye'e, heiserie caniupitüarieni, yu'iyarisie püca'uximatüarie, niyutemavieca 'Iyari Mütiyupatasie tiviyatü.

18 Que mü'anə müpaü tiyurienetü müti'uximaya Cürisitusie mieme, Cacaüyari caninaqui'acamüçü 'iya hepaüsita, teüterita meneitimaiçuni 'aixüa que mütiyuriene.

19 'Ayumiemicü tame tenitamexütüaca cümama ta'iyarisie temüca'uximatüariecacü, cümama 'axeicüa temütaseiriyanicü tanaitü.

20 'Icuaicü pepüca'ica'unani titä Cacaüyari mütiyuri. Naitüri catini'itiyaca, peru 'axa püyünü xüca tevi ticuatü 'itiquetamüra xeime.

21 'Aixüa püyüniqueyu masi xüca vai pecacua'anique xüca vinu peca'anuye'enique, xüca tixaü pecatiyurienenique cümama 'a'iva mativauseni mütitiquetamüre müveranare.

22 Yuri que pemüti'erie, 'acümana yaquetteinecu'erivani Cacaüyari hüxie. Caniyutemavieca que mü'ane yuhesie mücarahüpa paüri 'aixüa 'aneme'erietü.

23 Que mü'ane müyuxamurie yükü ticu'erivatü, mücü nanutahüyamüçü xüca ticuaca, yuri ti'erietü mücayüanecü. Nai mütiyuriene yuri que mücati'erie, 'axa tiniyurieneni.

15

Memütürücüavi memüverarani

1 Caneuyevecani tame temüyüvavemete teminevieni titä memücateyüvave müme memüverarani. Tepücayüaca para taxaütame xeicüa temünaqu'acacü.

2 Taxexuitü tequeyüüaca tahepaü tevi püta münaqui'acacü, 'aixüa mü'itüarienicü müseiriyarienicü.

3 Ni Cürisitu pücayüanecai para yuxaütame xeicüa münaqui'acacü, masi que müre'uxa, Müme 'axa que memutiyuanecai 'ahepaüsita, vaniuquixiya pünesi'u'axixü ne püta.

4 Naitü meripai mütiuti'utüarie, temüteti'üquitüarienicü tiniuti'utüarieni, para tete'uca'enivatü 'utüarica xapayari tasinütüacacu yuri temüte'eriecacü teta'icuevatü.

5 Mücü Cacaüyari müpaü mütatipitüva temüte'uca'enivanicü temünütüarienicü, mücü quexepitüüaca yaxeicüa xemüteyumaicacü yuhesüa, Cürisitu Quesusi que maine,

6 'axeicüa xei tetayaricü xe'utaniutü 'aixüa xemutiyuanenicü que mü'ane Tati'aitüvame Quesusi Cürisitu mücacaüyarieya mü'uquiyarieya hepaüsita.

Niuqui 'aixüa manuyüne memüçahuriyusixi vahesie que mütimieme

7 'Ayumieme xequeneyutanaqui'erie yunaitü, Cürisitu müxe'utanaqui'eripaü, Cacaüyari 'aixüa müticühüavarüvanicü.

8 Ipaü nepaine, Cürisitu müme xitequiya 'inüariyari memexeiya vaparerevivame nayani, masiücmeyeitüanicü yuri que maine Cacaüyari, mitaseiriyanicüta tita meripai mütivarutahüavixü ta'uquiyarima quename metemiquieniquecai,

9 mümeta memüçahuriyusixi 'aixüa memutiyuanenicü Cacaüyari hepaüsita müvanenimayacü, que müre'uxa,

'Ayumieme 'aixüa nemanihecüatacamüçü memüçahuriyusixi vahesüa,
Nemaninüavacamüçü que mü'ane pemühücü.

10 Tavari müpaü paine,
Xemüçahuriyusixi xequeneyutemamavieca teüterimama vahamatü.

11 Tavarita,
'Aixüa xequeteneutahüavi Ti'aitame hepaüsita
Yunaitü xemüçahuriyusixi.

Yunaitü nuivarite 'aixüa mequehaitücani
hepaüsitanä.

12 Tavari Quisariyaxi müpaü paine,
Quisahi quie mieme tinitinemüçü nana,
Que mü'ane manucuqueni mütiva'aitüanicü
memüçahuriyusixi.

Hesienna yuri mecateni'eriecacuni
Memüçahuriyusixi meta'icuevatü.

13 Hicü 'iya Cacaüyari mütası'upitüva
temüta'icuevanicü yuri tete'erietü, mücü

quexehüniyani naimecü xemüyutemamaviecacü
yu'iyarisie xemüca'uximatüariecacü mexi yuri
xete'erie, masi vaücava yuri xemüte'eriecacü
xeta'icuevatü, 'Iyari Mütiyupata xetürücücariyacacu.

14 Neri yuri nepüti'erie ne'ivama xehepaüsita,
quename yükümana xehüpüne 'aixüa xeteyuri-
etü, quename xe'aye'axüavave nai xetemaitü, que-
name xeyüvave xemüyu'imaiyanicü.

15 Hipame tapari necueriva'atü
nepütixe'uta'utüiri, tavari nexeha'eritüatü
hepaüsitanä yacütüniquetü, Cacaüyari 'aixüa
tiuca'iyaritü müpaü münetiumicü,

16 Cürisitu Quesusi parevivameya ne-
mayanicü memücahuriyusixi vahesie mieme,
mara'acamepaü neti'uximayatü Cacaüyari
niuquieya 'aixüa manuyunesie mieme, müme
memücahuriyusixi mavari memacünecü
memütanaqui'eriva, Cacaüyarisie mieme
memupasie 'Iyari Mütiyupata yativapatacacu.

17 Hicüsü Cürisitu Quesusisie netiviyatü
necaniyüveni 'aixüa nemütinecühüaveni
nehepaüsita, tita Cacaüyari mütiyuriene nexatatü.

18 Nepücacueriva'a tixaütü nemüticuxatanicü,
titä Cürisitu mütiyuri yanetiyurienecacu ne
xeicüa nepüticuxatani. Yanetiyurienecacu, müme
memücahuriyusixi yametecahutü menacüne,
netaniucacacu neti'uximayacacu,

19 türücücariya nehexeiyacacu 'inüarite
mamarivavemete mütiyünicü, türücücariya
nehexeiyacacu 'Iyarisüa mümieme. Querusareme
neheyeyaca 'Iriricupai neheuyeyuneca
nenaye'ani yemecü neticuxatatü niuqui 'aixüa
manuyüne Cürisitu hepaüsita,

20 'ipaü netinemexütüatü, nemüticuxatanicü niuqui 'aixüa manuyüne haque que mü'ane Cürisitu mühüçü mücaxasieve xeicüa, capa xeime tenarieya heima ne'anuquinicü ne.

21 Masi müpaü que müre'uxa,
Müme 'asimemücate'utahüavarie hepaüsítana,
müme menixeiyacacuni,
Hepaüsítana memüca'u'enana meneitimaicuni.

Papuru que müreuyeimücücai Xumapaitü

22 'Ayumieme müixa nepacunuitüarie nemücaxe'u'ivatamienicü.

23 Hicüri 'uva pumaveri haque nemüre'uximayaca. Müixa viyari nepütihive'erie nemüxe'u'ivatamienicü

24 quepaucua 'Isipaniya nemümie. Ne'anuyeneme nepüxeiyani queyu. Xemeta mana xepünesi'anuyenü'ani, xehesüa netemaviertüariewu 'ésiva meri.

25 Masi hicü Querusareme nepüyemie nevapare-vienique Cacaüyari teüterimama.

26 Maseruniyatari 'Acaiyatari meniyuvaüriya 'axeicüa tixaütü memütevaminicü müme memümamave Cacaüyari teüterimama vasata memetitei Querusaremétari.

27 Müpaü meteniyuvaüriyani, neuyevecata müpaü memütevarapinirienicü. Memücahuriyusixi vahepaü meheixeiyatü mepacü 'Iyarisie timieme. Peuyevese mümetari memüvaparevienicü vaiyarisie timieme hepaüsita.

28 'Ayumieme 'icü ne'aye'atüame, 'icü va'imiquieri nevayetuirieme, nenayeyeimücü, xehesüa ne'anuyeneme 'Isipaniya nemeta'anicü.

29 Xehesüa quepaucua nemeta'ani, nepüultimate nemunuani nehünetü niuqui Cürisitu hepaüsita 'aixüa manuyünesie timiemecü 'aixüa xemü'itüarienicü.

30 Quesusi Cürisitu mütati'aitüvamecü, 'Iyari mütasipitüacü temütetacanaqui'eriecacü, 'ipaü netinixetavavirieni ne'ivama, cui xemünesipareviecacü nenevieri xe'ipitüatü Cacaüyari nehesie mieme

31 nemütaviceisitüarienicü, Cureya memütama yamemücatecahu 'axa memücanesiyurienicü, memünaqui'acacüta Cacaüyari teüterimama, que nemütivaparevieni Querusaremese,

32 para xehamatü nemü'uxipiecacü quepaucua nenetemavietü nemeta'ani xehesüa, que mütinaque Cacaüyari.

33 Mücü Cacaüyari mütasipitüa ta'iyarisie temüca'uximatüariecacü, mücü que'uyeicani yunaime xehamatü. Müpaü xeicüa nepaine.

16

Que mütivavaüritüacai

1 Nenixehecüatüani ta'iva 'uca Peve mütiteva. Mücü tiparevivame canihüctüni Senicüreyasie memüyuyexexeüriva vahesüa.

2 Xequeneutanaqui'erie Ti'aitamesie xeteviyatü, que müreuyevese Cacaüyari teüterimama memüyutanaqui'erienicü. Xequeneuparevi xüca tixaütü reuyehüaca xehesüa. Mücü tiparevivametütü nivaparevieca yumüireme, neta caneniuparevieni.

3 Xequenivavaüritüaca Pürisira 'Aquiramame. Nehamatü mepüte'uximaya Cürisitu Quesusisie teteviyacacu.

4 Nemayeyurinicü ne, meniucueriva'itüarieni meniucui'iva tüma. Ne nexaüta pamüpariyusi nepücavapitüa, masi yunaitü memüyutixexeüriva memücahuriyusixi pamüpariyusi mepüvapitüata nehamatü.

5 Vaquita memüyuyexexeürivata xequenivavaüritüaca. Xequenevaüritüaca 'Epainetu neminaqui'erie. Mücü meri 'Asiyatari vasata peu'isanari Cürisitusie mieme.

6 Xequenevaüritüaca Mariya vaüca müti'uximayacai xehesie mieme.

7 Xequenivavaüritüaca 'Aniturunicu Cuniyaximame nenuivarise memümiemete nehamatü memutaxüriya. Müme menive'emetetüni nü'arisixi vasata. Cürisitusie mepüteviyacai ne hesiena necativiyavecacu cuxi.

8 Xequenevaüritüaca 'Amupüriyatü neminaqui'erie Ti'aitamesie netiviyatü.

9 Xequenivavaüritüaca 'Uruvanu tahamatü müti'uximaya Ti'aitamesie teteviyacacu, 'Isitaquimame neminaqui'erie.

10 Xequenevaüritüaca 'Aperexi mü'inüasieve Cürisitusie tiviyatü. Xequenivavaüritüaca 'Arisitupuru quie miemete.

11 Xequenevaüritüaca Heruriyuni nenuivarise mümieme. Xequenivavaüritüaca Narusisu quie miemete, queyupaümetü Ti'aitamesie memüteviya.

12 Xequenivavaüritüaca Türipina Türipusamame Ti'aitamesie meteviyatü memüte'uximaya. Xe-

quenevaüritüaca Perüsira münaqui'eriva vaücava müti'uximayacai Ti'aitamesie tiviyatü.

¹³ Xequenivavaüritüaca Xupu manayexeiyari Ti'aitamesie tiviyatü, varusieyamame nevarusipaü mü'anecaita.

¹⁴ Xequenivavaüritüaca 'Asinicüritu Pürecuni Herümexi Patürüva Herüma hipame 'ivamarixi vahamatü memu'uva.

¹⁵ Xequenivavaüritüaca Pirurucuxi Curiyamame, Nereya 'ivaya 'ucamame, 'Urimipata yunaitü Cacaüyari teüterimama vahamatü memu'uva.

¹⁶ Xequeneyuvaüritüaca 'isiyacü Cacaüyarisüa que xemütemiemete. Yunaitü Cürisitusüa miemete naisari memüyutixexeüriva mepüxevaüritüa.

¹⁷ Ne'ivama 'ipaü netinixeavirieca, xequenivaxeiyani müme hixüata memüxesana memüxeti'ücamüra, müme memüyüa que yaxemücate'uta'üquitüarie. Xequeneyupata vahepaüsita.

¹⁸ Tati'aitüvame Cürisitusie mieme mepücate'uximaya müya memü'anene, yuyuriepa mieme püta mepüte'uximaya. 'Aixüa me'utiyuatü peru yacü xeicüa, visi me'utiniutü mepüteva'irüviya müme tita 'axa müti'ane memücateha'eriva va'iyari.

¹⁹ Xeme que xemütecahu metenetimani yunaitüri. 'Ayumieme xehepaüsita nepünetemavi. 'Ipaü pünetinaque, xemütemaivavenicü 'aixüa xeteyurietü, xemüca'inücacü püta tita 'axa müti'ane.

²⁰ Mücü Cacaüyari mütasipitüa ta'iyarisie temüca'uximatüariecacü, mücü nixepitüamüçü

xemicaquesinacü Satanaxi yareutevitü.
Tati'aitüvame Quesusi xüca 'aixüa tiuca'iyarini
xehesie mieme.

²¹ Timuteu nehamatü müti'uximaya
nixevaüritüaca, Rusiyuta Casunita Susipaterita
nenuivarisie memümiemete.

²² Ne Terütiyu 'icü xapa nemaca'utüa
nepüxevaüritüa Ti'aitamesie netiviyatü.

²³ Que mü'anesüa nemü'axe ne, yunaitü
memüyuyexexeüriva memü'axeta hesüana,
Cayutütü canixeavaüritüaca. 'Erasitu quiecatari
vatumini hüveme, ta'iva Cuarutumatü
menixeavaüritüaca.

²⁴ Yunaime xehesie mieme xüca 'aixüa
tiuca'iyarini Tati'aitüvame Quesusi Cürisitu.

Visi queticühüavarüvani Cacaüyari

²⁵ Mütü caniyüveni müxetuicanicü, que maine
niuqui 'aixüa manuyüne nemücxata, xasica Que-
sususi Cürisitu hepaüsita que maine. Catinicuxasi-
vani que maine niuqui 'iya mitahecüataxü. Mütü
niuqui müixa caniuti'aviesiecaitüni cayuvatü xe-
icüa,

²⁶ hicürixüa masiütü nayani. Texaxatamete
va'utuarica ya'utainecacu, que mütiuta'aitaxü
mütü Cacaüyari yuheyemecü 'amuyeica,
canivarutahecüatüani yunaime nuivarite para
yamemütecahunicü yuri mete'erietü.

²⁷ Mütü Cacaüyari muyuxevi mütimaive, visi
queticühüavarüvani Quesusi Cürisitu hepaüsita
yuheyemecü. Müpaü xeicüa cani'aneni.

**Cacaüyari niuquieya xapayari türatu hecuame
hepaüsita tati'aitüvame tasivicueisitüvame
Quesusi Cürisitu mi'atüa
New Testament in Huichol (MX:hch:Huichol)
El Nuevo Testamento de nuestro señor y salvador
Jesucristo**

copyright © 1988 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Huichol

© 1988, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source files
dated 29 Jan 2022

79690d81-fd4b-51b4-a3a6-712e0fddaca3